

記纂淵海

十五



感嘆



知我者謂我心憂不知我者謂我何求

詩王風黍離互

見自歎昔先王受命有如召公日辟國百里今也日蹙國

百里詩召旻趙文子與叔譽觀乎九原文子曰死者如可

作也吾誰與歸記檀弓下孔子曰我觀周道幽厲傷之吾

舍魯何適矣魯之郊禘非禮也周公其衰矣記禮運子在

川上曰逝者如斯夫不舍晝夜語子罕楚狂接輿歌而過

孔子曰鳳兮鳳兮何德之衰語微子子曰夏禮吾能言之

杞不足徵也殷禮吾能言之宋不足徵也文獻不足故也

足則吾能徵之矣語八佾子曰鳳鳥不至河不出圖吾已

矣夫語述而

故家流俗遺風善政猶有存者孟公孫丑上其中開口

而笑者一月之中不過四五日而已矣莊子人生天地間

若白駒之過隙忽然而已莊子

史仲尼視麟曰河不出圖洛不出書吾已矣夫史孔子世

家魯季桓子見魯城喟然歎曰昔此國幾興矣以吾獲罪

於孔子故不興也謂其嗣康子曰若相魯必召仲尼史記

世家人生一世間如白駒過隙前漢魏豹傳阮孚好蠟屐

因自嘆曰未知一生當着幾緡屐晉書本傳巨温過淮泗

踐北境與諸寮屬登東平乘樓眺矚中原慨然曰遂使神

州陸沉百年丘墟王夷甫諸人不得不任其責晉書本傳

互見罪有所歸門巨温自江陵北伐行經金城見少為琅

琊時所種柳皆已十圍慨然曰木猶如此人何以堪世

感嘆

書巨温傳 羊祜遊峴山言詠終日嘗願從事鄒湛等曰自

有宇宙便有此山由來賢達勝士登此遠望如我與卿者

多矣皆堙滅無聞使人悲傷晉書本傳古稱一出三十年

子厚之斥十二年殆半世也唐書吳武陵

傳記 古人混混去不返今人紛紛來更多續仙傳藍采和

集 年歲晚暮時已斜安得壯士翻日車後漢李尤九曲歌

所遇無故物焉得不速老古詩連連舟壑改微微市朝變

局塗頓遠策留歡恨奔箭春貌既移紅烁林豈停菁一倍

倍一作陪茂陵道寧思栢梁宴沈約長歌行變燧回星劉

孝標書 人生一百年歡笑惟三五庾信對酒後之視今亦

猶今之視昔王羲之蘭亭記臨川感流以嘆逝登山懷古

而悼遠潘安仁秋興賦感冬索而春敷嗟夏茂而秋落同

前天地無終極人命若朝露曹子建送應詩未厭青春

好已觀朱明移謝靈運南亭詩顏魄不再圓傾曦無兩旦

曹子建贈白馬王彪百川東到海何時復西歸長歌行對

酒當歌人生幾何譬如朝露去日苦多短歌行人壽如朝

露時華不載揚陽來日苦短陽去日苦長同前故人雖故

昔經新新人雖新復應故隋江總詩彤庭所分帛本自寒

女出鞭撻其夫家聚斂貢城闕杜詩信知生男惡反是生

女好生女猶是嫁比鄰生男埋沒隨百草杜詩悵望千秋

一洒淚蕭條異代不同時杜詩歲暮日月疾杜詩古來白

骨無人收杜詩但見好花開易落從來尤物不長生劉賓

客長使英雄淚滿襟杜詩即今千種恨惟共水東流杜詩

王侯與螻蟻隨盡同丘墟杜詩萬事隨轉燭杜詩乾坤萬

里眼時序百年心杜詩日月不相饒節叙昨夜隔杜詩仙

鶴來歸遼東之城郭猶是靈烏代謝漢南之陵谷已非駱

賓王臨水感逝川之嘆同上百年三萬日一別幾千秋同上

上吾操饒以入於富貴之家有年矣有一至者焉又往過

之則為墟矣有再至三至者焉而往過之則為墟矣問其

隣或曰噫刑戮也或曰身既死而子孫不能有也或曰死

而歸之官也吾以是觀之非所謂食焉息其事而得天殃

者邪非彊心以智而不足不擇其才之稱否而冒之者耶

非多行可愧知己之不可彊而為之者耶將富貴難守薄

功而厚享者耶抑豐悴有時一去一來而不可常者耶韓

文巧者王承福傳坐觀萬象化方見百年侵陳子昂孟郊

死葬北邙山日月風雲頓覺閑韓文樽酒相逢十載前君

為壯夫我少年樽酒相逢十載後我為壯夫君白首韓文

人生大限雖百歲就中三十稱一世晦明烏兔相推遷霜

雪漸到雙鬢邊沈憂戚戚多浩歎不得如意居大半一氣

暫聚常恐散黃河清兮白石爛權集城池百載後耆舊幾

家殘處處蓬蒿遍歸人掩淚看劉長卿白首相逢征戰後

青春已過亂離中同上蒼苔換古今同上萬事依然在無

如歲月何同上長明燈是前朝焰曾照青春年少時劉禹

錫世事不同心事新人何似故人同上所嘆別此年永無

長慶曆元微之集淒涼百年事應與一年同同上風光少

時新同上一夜思量十年事幾人彊健幾人無同上二百

年來城裏宅一家知換幾多人同上西施顏色今何在但

看春風百草頭同上不知山下東流水何事長湏日夜流

同上不是花中偏愛菊此花開後更無花鄭谷詩功名富

貴若長在漢水亦應西北流元微之集冠蓋散為煙霧盡

金輿玉座成寒灰李太白集今人不見古人月今月曾經

照古人同上時來天地皆同力運去英雄不自由羅隱集

欲招屈宋當時魄蘭敗荷枯不可尋同上折羽不復飛逝

水不復歸孟東野樹有百年花人無一定顏花送人老盡

人悲花自開同上四時如逝水同上春蚤見花枝朝朝恨

發遲及看花落後却憶未開時劉禹錫芳林新葉催陳葉

流水前波讓後波同上人凶非宅凶同上三百年來庾樓

上曾經多少望鄉人白侍郎臙脂化為泥鈿黛復何有同

上百齡同一寐同上人壽不如山年光忽如水同上因驚

成人者盡是舊童儒同上同是天涯流落人相悲何必曾

相識同上昔如玄雲光今如素絲白鷗頭與鶴頸至老長

如墨獨有人鬢毛不得終身黑同上黃金不惜買蛾眉揀

得如花三四枝歌舞教成心力盡一朝身去不相隨白侍

郎互見傲戒省悟兩明白嗟名利客擾擾在人間何事長

淮水東流亦不閑同上大都好物不堅牢彩雲易散琉璃

脆白侍郎春銷不得處惟有鬢邊霜同上惟有愁人鬢間

雪不隨春盡逐春生同上羲和走馭趁年光不許人間日

月長同上年年只是人空好處處何曾花不開白傅集朝

鐘暮角催頭白同上真宰倒持生殺柄閑物命長人短命

松枝上鶴著下龜千年不死仍無病人生不得似龜鶴少

去老來同旦暝白侍郎天色清明少人生事故多同上天

時人事常多故一歲春能幾度游不是塵埃便風雨若非

疾病即悲憂貧窮心苦多無興富貴身忙不自由同上春

日雖遲不再中白侍郎搖落覆井梧荒涼故籬菊同上百

川趁海返潮易一葉報秋歸樹難鮑溶劫灰飛盡古今平

王維天若有情天亦老李賀隱跡今尚存高風邈已遠白

雲何時去丹桂空偃蹇孟浩然人生無幾何如寄天地間

心有千載憂身無一日閑白集南朝三十六英雄各逐興

感嘆

亡自此中有國有家皆是夢為龍為虎亦成空唐韋萊人

生天地之間若流電之過戶牖輕塵之棲弱草李康遊山

序恨如春草多事與孤鴻去杜牧之彭殤共一籌同上景

物不盡人自老同上芳草何時時一作年恨即休同上日

月如跳丸相趁走不住同上南去北來人自老夕陽長送

釣船歸同上浮生冷似冰底水日夜東流人不知同上郵

亭寄人世人世寄郵亭同上聚散真標梗光陰極轉郵同

上花若有情還悵望水應無事莫潺湲温飛卿墓平春草

綠碑折古苔青同上全盛已隨流水去黃鸝空轉舊春聲

武伯蒼日日人空老年年春更歸王維集一向破除愁不

盡百方迴避老新來王建千金立碑高百尺終作誰家柱

下石張文昌舊國別多日故人無少年賈浪仙不覺年華

似箭流同上主人何處獨徘徊流水自流花自開若見故

交皆散去即應新燕不歸來方雄飛文世事隨時變交情

與我違空餘主人柳相見即依依錢起文只聞丞相夷三

族不見扁舟泛五湖張承吉文朝悲辭樹葉夕感歸巢禽

韓文地下若逢陳後主豈宜重問後庭花李義山文幾時

心緒休無事得及遊絲百尺長同上縱使有花兼有月可

堪無酒又無人同上年年歲歲花相似歲歲年年人不同

唐文粹四時輪轉春常少百刻支分夜苦長白侍郎

本朝沈碑身後念陵谷把酒泣下悲山川歐公集春風自

是無情物肯為汝惜無情花今年花落明年好但見開花

人自老同上月如無恨月長圓石曼卿集好山綠水萬里

有盡處清風明月千古無志一作老時名談山阿昔留

賞履齒無遺迹歐公集憶伊川詩異鄉物態與人殊惟有

東風舊相識歐公集春日西湖歌廟堂元老今華袞巖壁

感嘆

遺文已綠苔歐公集一生勤苦書千卷萬事消磨酒百杯

歐公集退居寄韓侍郎往事無迹難追尋臨川集秦徵天

下材入作阿房宮宮成非一木山谷為窮空羽一炬火

驪山三月紅能令掃地盡豈但焚人功同上世上惟知古

有秦山中豈料今為晉同上天下紛紛經幾秦同上六朝

人物隨煙埃金輿玉几安在哉同上事事只隨波浪去年

年空得鬢毛新同上廢陵壞冢空冠劍誰復沾纓醉一缸

同上山花落盡山長在山水空流山自閑同上歌舞可憐

人暗換花開花落幾春風同上丹樓碧閣昔時事只有江

山到古今同上世道如弈棊變化不容覆東坡詩互見事

無常洛陽泉水今誰主莫學癡人李與牛東坡詩壞壁無

由見舊題同上人生營居止竟為何人卜同上常怪劉伶

死便埋豈伊忘死未忘骸烏為奪得與螻蟻誰信先生無

此懷同上盛衰哀樂兩須臾同上過眼榮枯電與風同上

榮華坐銷歇閱世如郵傳惟有長明燈依然照深殿同上

有生共處覆載內擾擾膏火同烹煎近事愈覺世議隘愈

覺寬處差便安同上世事如今臘酒醲交情自昔秋雲薄

同上過眼百歲如風燈同上一番花老一番新同上雕欄

能得幾時好不獨憑欄人易老百年興廢更堪哀懸知草

莽化池臺同上生前富貴草頭露身後風流陌上花同上

親友如搏沙放手還復散同上出處并沉十年後死生契

闊幾人存同上此生此夜不長好明月明年何處看東坡

中秋月詩歲月如宿昔人事幾反覆東坡詩近來世上無

徐庶誰向隆中識臥龍詩話總龜平生功業數張紙千古

英雄一窖塵聞見錄本朝謝諫議詩邯鄲炊未熟榮謝隔

逡巡栞城集時事無端日日新同上淒涼百年後事付何

感嘆

感嘆

人筆同上襄陽耆舊內無復姓龐人陳後山詩日月過箭疾山谷自古非一秦六籍蓋多難山谷詩春不能朱鏡裏顏同上青莎徑裏香未乾黃鳥陰中實已團同上今日牛羊上丘隴當時近前左右喚同上向來歌舞地夜雨鳴寒蛩後山詩

感傷

①父沒而不能讀父之書手澤存焉爾母沒而杯圈不能飲焉口澤之氣存焉爾禮郊特牲

②仰視攘捕俯察几筵其器皆存而不覩其人以此思哀則哀可知矣家語五儀解吾入思慕曾拮嗜羊棗而曾子不忍食羊棗孟子其物存其人亡不言哀自至莊子

③長老言匈奴失陰山之後過之未嘗不哭也西漢匈奴

傳杜延年居父官府不敢當舊位坐卧皆易其處西漢本

傳孤者易傷貧者易感魏邴原傳讀詩至哀哀父母生我劬

勞未嘗不三復流涕門人受業者並廢蓼莪之篇晉書王

哀王獻之卒徽之奔喪上靈牀取獻之琴彈之久而不調

歎曰嗚呼子敬人琴俱亡晉書王徽之傳薛收卒太宗曰

吾與伯褒歛曲襟抱何期一朝忽成萬古舊唐書本傳

④生存華屋颯零落歸山丘曹子建詩懿親戚屬亡多寡

存昵交密友亦不半在或曾共遊一塗同宴一室十年

之外索然已盡陸士衡歌逝賦嗟人生之短期孰長年之

能執時飄忽其不再老晚晚其將及觸萬類以生悲歎

同節而異時顧舊要於遺存得十一於千百陸士衡嘆逝

賦不見耆舊老但見新少年曹子建送應氏詩謂百年已

分可共相保何圖數年之間零落略盡魏文帝吳質書徐

陳應劉一時俱逝痛可言邪同上 舊齒皆彫喪車馬行有

淚皆成血無聲不斷腸張說之衣綉而歸雖榮之在畫累

茵以坐而悲不逮親張九齡文既來何苦不須史縹渺悠

揚還滅去去何速兮來何遲是耶非耶兩不知鬼之不來

君心苦鬼之來兮君亦悲背燈隔帳不得語安用暫來還

見違唐文粹他時一笑後今日幾人存杜詩世上空驚故

人少集中惟覺祭文多劉禹錫解携襟袖交臂存亡駱賓

王寒煙半堂影燼火滿庭灰元微之集逝水良久矣行雲

安在哉同上君骨久為土我心長似灰同上眼前少年客

無復昔時人同上落盡寒花不見人同上不如元不識俱

作路人行同上滿朝豪士今已盡欲話舊遊人不知韋應

物集見話先朝如夢中同上何言巾上淚乃是腸中血白

侍郎見說白楊堪作柱爭教紅粉不成灰同上試發舊篋

君書盈千詞言重重墨色如新孫可之文

本朝因拂醉題詩句在應怜手種樹陰成歐公集人昔共

遊今孰在樹猶如此我何堪同上原憲之貧顏回之短命

揚雄之無子馮衍之不遇皇甫士安之篤疾彼遇其一而

人哀之至今而茂誠兼之豈非命也哉東坡詩集序

懷昔

豐水東注維禹之績詩文王有聲奕奕梁山維禹甸之

詩韓奕跋跋周道鞠為茂草詩小弁周大夫行役至于宗

周過故宗廟宮室盡為禾黍閔周室之顛覆彷徨不忍去

而作是詩也王風黍離顧瞻周道中心怛兮魯風誰將

西歸懷之好音同前懷我寤歎念彼周京曹下泉我心憂

傷念昔先人明發不寐有懷二人詩小宛孔子曰魯之郊

禘非禮也周公其衰矣禮記禮運子在齊聞韶三月不知

肉味論語

晉宋江東衣冠文物之舊文中子述史篇

韓宣子適魯見易象與魯春秋曰周禮盡在魯矣吾乃

今知周公之德與周之所以王韓子所見蓋周之舊典禮

經也左傳序天王使劉定公勞趙孟于洛汭劉定公曰美

哉禹功明德遠矣微禹吾其魚乎左傳魏杜弼曰荆棘生

於建鄴之宮麋鹿遊於姑蘇之館通鑑梁紀

思南郢之舊俗兮腸一夕而九運楚辭衣冠禮樂盡在

是矣選集序南登霸陵岸廻首望長安選七哀詩北邙何

纍纍高陵有四五借問誰家皆云漢世主張載七哀詩

舊國千年盡荒城四望通駱賓王栢梁高宴今何在同上

山川四望是人事一朝非同上山川不改舊時丘壠多為

陳跡同上江頭宮殿鎖千門細柳新蒲為誰綠杜詩閨道

長安似弈碁百年世事不勝悲侯王第宅皆新主文武衣

冠異昔時杜詩庾信羅含俱有宅春來秋去作誰家杜詩

懷昔

功蓋三分國名成八陣圖江流石不轉遺恨失吞吳杜詩

綠珠樓下花滿園今日曾無一枝在杜詩古之帝宮死今

乃人樵蘇杜詩故園池臺今是非杜詩金谷銅駝非故鄉

杜詩吳宮花草埋幽徑晉代衣冠成古丘唐詩滕王高閣

臨江渚佩玉鳴鑾罷歌舞盡棟朝飛南浦雲珠簾暮捲西

山雨閉雲潭影日悠悠物換星移度幾秋閣中帝子今何

在檻外長江空自流王勃洛陽東風幾時來川波岸柳春

全廻宮門一鎖不復啓雖有九陌無塵埃日曰黎集感春宮

前遺老來相問今是開元幾葉孫韓文我思古人伊鄭之

僑韓文丘園滿目衣冠盡城闕連雲草樹荒韓文舞榭歌

傾基尚在文牖窈窕猶綠塵埋粉壁舊花鈿烏啄風箏

碎珠玉元稹集憶昔開元全盛日小邑猶藏萬家室同上

萬古一長嗟同上覽物想故國同上腸斷裴家光德宅無

人掃地戟門深同上吳妖小女飛作煙越艷西施化為土

嬌花巧笑久寂寥妓一作妓館宇羅空處所白樂天集事去

惟留水人非但見山同上金谷風光依舊在無人管領石

家春同上周臺漢園斜陽暮草杜牧之芳苑至今生茂草

古城依舊枕寒流劉夢得商女不知亡國恨隔江猶唱後

庭花杜牧之可恨故國三千里虛唱歌詞滿六宮同上錦

纜龍舟隋煬帝平臺複道漢梁王遊人閑起前朝念折柳

孤吟斷殺腸杜牧之登古城兮思古人感賢達兮同埃塵

平原兮寄遠目姑蘇兮聚麋鹿黃池高會事未終滄海橫

流人蕩覆伍胥殺身誰不冤竟看墓樹如所言越王嘗膽

安可敵遠取石田有何益一朝空謝會稽人萬古猶傷

東客黍離離兮城陂陀牛羊踐兮牧豎歌野無人兮秋草

綠國為墟兮古木多劉長卿萬戶千門成綠草只緣一曲

懷昔

後庭花 劉賓客集 芳草遍吳宮 劉長卿 碑苔幾字滅山木

萬株齊 同上 山圍故國周遭在潮打孤城寂寞回惟有淮

東舊時月夜深還過女牆來 劉禹錫 官舍已空秋草綠女

牆猶在夜烏啼 劉長卿 大抵南朝皆曠達可恨西晉最風

流 杜牧之 石麟埋沒藏春草銅雀荒涼對暮雲 溫飛卿事

去人亡跡自留 劉長卿 永和春色千年在 羅隱集 七雄三

傑今何在休為閑人淚滿襟 同上 梁王兔苑荆榛裏煬帝

雞臺夢想中 同上 孤嶂秦碑在荒城曾殿餘從來多古意

臨眺獨躊躇 杜詩 宮盡燕聲少臺荒麋跡多 許用晦集 今

日皆何處開門春草長 同上 白骨半隨流水去黃雲猶傍

郡城低 李嘉祐文 白社已應無故老清江依舊遶空城 鄭

守愚文 市朝欲認不知處漠漠野田空草花 錢起文 高塚

荒涼多貴臣蛾眉漫脉共灰塵試上同臺歌舞處唯有秋

風愁殺人 張說之文 屏上樓臺陳後主鏡中金翠李夫人

溫飛卿 六代精靈人不見思量應在月明中 羅隱集 六朝

勝事已塵埃 同上 一朝物變人亦非四面荒涼人徑稀意

氣豪華何處去空餘草露濕征衣 孟浩然 憑高覽古嗟寰

宇造化茫茫思悠悠秦川八水長繚繞漢氏五陵空崔嵬

韋應物 古城聊一望荒棘幾千叢 盧照隣詩 寂寞空餘歌

舞地 姚少監 昔日青樓對歌舞今日黃埃聚荆棘 李嶠

不知 此地幾興廢仰視喬木皆蒼煙 歐公集 煙濃草

遠望不見物換星移度幾秋 臨川集 金陵限南北形勢豈

其然楚役六千里陳亡三百年江山空幕府風月自觥紅

臨川集 登高一曲悲亡國想繞紅梁落暗塵 同上 破堞自

生新草木廢宮誰識舊軒牕 同上 西望夏口東望武昌山

川相繆鬱乎蒼蒼此非曹孟德之困於周郎者乎方其破

懷昔

懷昔

懷昔

荆州下江陵順流而東也舳舻千里旌旗蔽空醞酒臨江
橫槊賦詩固一世之雄也而今安在哉東坡赤壁賦三千
宮女看花處人盡臺空花自開古今詩話

傲戒

○無平不陂無往不復易泰卦互見物極則反禍從口出

患從口入周易頤卦正義言行君子之樞機樞機之發榮

辱之主也繫辭夙興夜寐無忝爾所生變小雅小宛擇兮

擇兮風其吹女詩擇兮敢有怵舞于宮酣歌于室時謂巫

風敢有殉于貨色怵于遊畋時謂淫風敢有侮聖言逆忠

直遠耆德比頑童時謂亂風惟茲三風十愆卿士有一于

身家必喪邦君有一于身國必亡書伊訓玩人喪德玩物

喪志書旅惟女子與小人為難養也近之則不孫遠之

則怨論語陽貨

○趙孟之所貴趙孟能賤之孟子名也者相軋也知也者

爭之器也莊子人間世富則多事壽則多辱莊天地不可

以無涯之智役有涯之身莊子水能載舟亦能覆舟荀子

夫善游者溺善騎者墮各以其所好反自為禍淮南子五

聲八音清商流徵損聰者也鮮華艷采或麗炳爛傷明者

也宴安逸豫清醪芳醲亂性者也冶容媚姿鈔華素質伐

命者也抱朴子暢玄里語曰人在人間日失一日如牽牛

以詣屠所每進一步去死轉近也抱朴子順者福之門逆

者禍之府劉子目愛綵色命曰伐性之斤耳樂淫聲命曰

攻心之鼓口貪滋味命曰腐腸之藥鼻悅芳馨命曰燻喉

之煙身安舉駟命曰召蹙之機劉子互入不善攝養勒於

几杖刻於盤于罌為之日惕文子聲無小而不聞行無隱

而不形苟勸學

史道高益安勢高益危

史司馬季主傳

若君不修德舟中

之人皆敵國也

通鑑第一周紀母為怨府母為禍梯 史記

趙世家

易曰狐涉水濡其尾此言始之易終之難也 史春

申君傳

大名之下難以久居

史越世家

無以先入之語為

主

西漢息夫躬

禍固多藏於隱微而發於人之所忽 西漢

司馬相如傳互見禍生所忽動色相戒 前漢劉輔傳木勝

者人亡楚作章華以凶吳興姑蘇而滅 東漢濟南安王秉

傳蓋寬饒至許伯第曰此如傳舍所閱多矣 西漢

無為權

首將受其咎

前漢晁錯贊

無為虎傳翼將飛入邑

西漢賈

誼傳注

聰明疏通者戒於太察寡聞少見者戒於壅蔽勇

猛剛強者戒於太暴仁愛溫良者戒於無斷湛靜安舒者

戒於後時廣心浩大者戒於遺忘

西漢康衡傳

得失一朝

史記百七

五

而榮辱千載

荀悅漢書

天地之心福謙禍盛

東漢李固傳

日不常中月盈有虧履道者固挾勢者危

東漢王逸黃石

公記曰務廣地者荒務廣德者彊有其有者安貪人有者

殘

東漢臧宮傳

李固貽書黃瓊曰觀聽望深聲名太盛 通

鑑

吳隱之為廣州刺史地有水曰貪泉隱之語其親人曰

不見可欲使心不亂

晉書

興國之君樂聞其過荒亂之主

樂聞其譽聞其過者過日消而福臻聞其譽者譽日損而

禍至

通鑑

十九晉世祖紀

謝朓與弟淪別指其口曰此

中惟宜飲酒

齊書

人笑褚先生至今齒冷無為效也 南史

樂預傳

齊陳顯達曰麀尾蠅拂是王謝家物

通鑑齊紀蕭

允曰禍之所來皆生於利苟不求利禍從何生

通鑑梁書

歌器防滿金人戒言

隋樂志

諸葛長民曰貧賤常思富

貴富貴必履危機

宋書

徐惠曰地廣非常安之術 通鑑唐

敬

太宗紀徐惠曰珍玩伎巧乃喪國之斧斤珠玉錦綉實迷

心之鳩毒同前陝郡進士張彖曰君輩倚揚右相如泰山

吾以為氷山若皎日既出君輩得無失所恃乎通鑑唐紀

互入先見飲食資身過則生患唐書柳公綽傳夫名門右

族莫不由祖考忠孝勤儉以成立之莫不由子孫頑率奢

傲以覆墜之成立之難如升天覆墜之易如燎毛唐書柳

此傳互入成難壞易壯九重於內所居不過容膝彼昏不

知瑤其臺而瓊其室羅八珍於前所食不過適口惟狂罔

念丘其糟而池其酒通鑑唐太宗目見可欲何能自窒于

心已與交私何能中絕其意通鑑唐德宗盛名之下為難

君名盛則責望備唐書房琯傳劉延祐有吏能治第一李

勳戒之曰子春秋少而有美名宜稍自抑無為出人上唐

書馮道曰臣嘗記昔奉使中山歷井陘之險臣憂馬蹶通鑑

唐明宗憂先於事故能無憂事至而憂無救於事通鑑重

憲宗互見遠慮

傳記行百里者半九十此言末路之難也戰國策若虎口

入之則不知所出矣同上墻薄則亟壞繒薄則亟裂器薄

則亟毀酒薄則亟酸夫薄而可以曠日持久者殆未有也

劉向新序互見輕薄以財事人者利盡而交踈以色事人

者華落而寵衰說苑開元中道士呂翁經邯鄲止邸舍有

邑少年盧生同止于邸主人方蒸黃梁共待其熟盧不覺

長歎翁問之具言生世困厄翁取囊中枕以授盧曰枕此

當榮適如願生俛首但記身入枕穴中遂至其家未幾登

高第歷臺閣出入將相五十年子孫皆列顯仕榮盛無比

上疏曰臣年踰八十位歷三台空負深恩永辭聖代其夕

卒盧生欠伸而寤呂翁在旁黃梁尚未熟生謝曰此先生所以窒吾欲也敢不受教再拜而出

陳翰異聞集

淳于棼家廣

陵宅南有古槐生豪飲其下因醉致疾二友扶生歸臥東廡夢二紫衣使者曰槐安國王奉邀生隨二使上車拍古槐入一穴中大城朱門題曰大槐安國有一騎傳呼曰駙馬遠降引生升廣殿見一人衣素練服簪朱華冠令生拜王王曰前奉賢尊命許令女瑤芳奉事君子有仙姬數十奏樂執燭引導金翠步障玲瓏不斷至一門號修儀宮一女子號金枝公主儼若神仙交驩成禮情義日洽王曰吾南柯郡政事不理屈卿為守敕有司出金玉錦綉僕妾車馬施列廣衢餞公主行夫人戒子曰淳于郎性剛好酒為婦之道貴在柔順爾善事之累日達郡有官吏僧道音樂來迎下車省風俗察疾苦郡中大理凡二十載百姓立生

記百十七

七

祠王賜爵錫邑位居台輔生五男二女榮盛莫比公主遇疾而薨生請護喪赴國王與夫人素服慟哭于郊備儀仗羽葆鼓吹葬主于盤龍岡生以貴戚戚福日盛有人上表玄象謫見國有大恐都邑遷徙宗廟崩壞事在蕭牆時議以生僭侈之應王因命生曰卿可暫歸本里一見親族諸孫留此無以為念復令二使者送出一穴遂寤見家僮擁篲于庭二客濯足于榻斜日未隱西垣餘尊尚湛東牖因與二客尋古槐下穴洞然明朗可容一榻上有土壤為城郭臺殿之狀有蟻數斛二大蟻素翼朱首乃槐安國王又窮一穴直一南枝群蟻亦處其中即南柯郡也又一穴盤屈若龍蛇狀有小墳高尺餘即盤龍山岡也生追想感歎遽遣掩塞是夕風雨暴發旦視其穴遂失群蟻莫知所之國有大恐都邑遷徙此其驗矣

同上

集 桀作瑤臺紂為璇室人力不堪而帝業不卒詩詠宣王

由儉改奢春秋譏刺書彼泉臺兩觀雉門而魯以不恢揚

將作大匠董生有云平者在門賀者在閭言憂則恐懼敬事

則有善功又曰賀者在門平者在閭言受福則驕奢驕奢

則禍至劉向與子歆出輿入輦命曰蹙痿之機洞房清宮

命曰寒熱之媒皓齒蛾眉命曰伐性之斧甘脆肥醲命曰

腐腸之藥選七置膏烈火上哀哀自煎熬杜工有才無義

惟家之殃無愛糞土以毀五常晉物忌堅芳人諱明潔

願延年祭炙手可熱勢絕倫謹莫近前丞相嗔 江湖多

風波舟楫恐失墜 涼風蕭蕭吹汝急恐汝後時難獨立

借問頻朝謁何如穩晝眠 念君惜羽翮既飽更思戢

莫作翻雲鷲聞呼向禽急 淘米少汲水汲多井水渾刈

葵莫放手放手傷葵根 王潤終孤立珠明得暗藏杜

勢利禍之門陳子昂處世忌太潔李太白集作書報鯨鯢勿持風

濤勢濤落歸泥沙翻遭螻蟻噬同上月缺花殘莫滲

然花須終發月終圓竟能何事銷芳念亦有濃華委逝川

一曲艷歌留婉轉九原春草妬嬋娟王孫莫學多情客自

古多情損少年溫飛竿上擲身難 倚梯青真舉足斯跌

並劉異質忌處群孤芳難寄林韓退之互

忙韓退保貴在家貧劉賓寸心生萬路今古勞若絲逐逐

行不盡忙忙休者誰來恨不可遏去悔何足追劉人生

莫依倚依倚事不成唐文莫倚顏似花君看歲如水元

名腸內煎外火非熱 盛名先物易生腐疵並劉莫道

華鎮長在白頭面皺專相待唐文高名難恃劉長權重持

難久位高勢易窮窮者物之盈老者數之終四者如寇盜

日夜來相攻 寵者防悔尤權者懷憂畏為報高蓋車恐

傲我

非真富貴 日近恩雖重雲高勢却孤
翻身落霄漢失脚倒泥塗
晦即全身藥明為伐性兵
無以滋章為聰明無以鹵莽為高簡
幸獲坦途勿遵邪徑
莫養瘦馬駒莫養小妓女後事在目前
不信君看取馬肥快行去
奴長能歌舞三年五歲間
已聞換一主借問新舊主
誰樂誰辛苦互見與人為地
試問池臺主多為將相官
終身不會到惟展畫圖看
蛾須遠燈燭兔勿近罝罟
相爭兩蝸角所得一牛毛
莫嫌地窄林亭小莫厭家貧活計微
大有高門鎖寬宅主人到老不曾歸
吾觀權勢者苦以身徇物炙手外
炎炎履冰中慄慄 須除愛君障
莫作戀家囚 名為公器無多取利是身災
合少求 悔時其柰噬臍何
權門要路是身災散地閑居少禍胎
莫對月明思往事損君顏色減君年
並白侍郎集居處不守其度則峻宇崇臺攻之視

記百十七

九

聽不守其度則姦聲艷色攻之喜怒不守其度則僭賞淫刑攻之翫好不守其度則妨行之貨蕩心之器攻之獻納不守其度則讒諂之言聚斂之計攻之道術不守其度則不死之方無生之法攻之夫然則安得不內固其守甚於城池外防其攻甚於寇戎焉
白樂天集皆知敵之仇而不知為益之尤皆知敵之害而不知為利之大
秦有六國兢兢以疆六國既除訑訑乃亡
柳文夫祿位富貴人所大欲也得之之難未若持之之難也得之於功或失之於德得之於身或失於子孫
韓文時不再來榮難久藉
唐文我屋汝嫌低不住雕梁畫閣也知寬大須穩擇安巢處莫到集成却不安
杜荀鶴遍看原上纍纍塚曾是城中汲汲人
盡謂黃金堪潤屋誰思荒骨旋成塵
同上堯舜宰乾坤器農不器兵秦漢盜山岳鑄殺不鑄耕
天地莫生金生金人起爭

敬成

野勿踐亂階勿履利門勿蹈怨府勿躡禍源皮日休集團圓莫

作波中月潔白莫為枝上雪溫飛徒見婁敬掉而獲爵不

見魏其黜以可悲李文範集董賢在前官亦崇梁冀破家金

謾積張承古有齒以焚古人所誠無脛而至廉士不居李義文

士能自審出處之宜而不惑者鮮矣或囿於利欲四顧滿

志或役於黨類不能自還嚮非彊志峻節傲然清厲大圭

不琢獨鶴無侶難平哉同上楹之銘曰母曰胡殘其禍將

然母曰胡害其禍將大母曰胡傷其禍將長大戴禮武王踐阼篇

本朝黃雀死彈丸厥罪在啄粟翠鶻不近人何為亦窮辱

材為勢所利高下同僵促能逃天地間蟻螻無不足臨川集

言語一出而不可復入故宜慎飲食一入而不可復出故

宜節東坡易解美人如春風着物物未知身閑曷不長閉口

天寒正好深藏手聲名忌太早君子可以寓意於物

記百十七

而不可以留意於物寓意於物雖微物足以為樂雖尤物

不足以為病留意於物雖微物足以為病雖尤物不足以

為樂邯鄲之夢猶足以破妄而歸真子今日見而身履

之亦可以少悟矣東坡集莫把文章動蠻貊恐妨談笑臥江

湖亦城集翠蛾紅粉嬋娟劔殺盡世人不知秦帝墓成

陳勝起明皇宮就祿山來並詩話異香消骨髓絕色死英

雄爭先徑路機關惡近後語言滋味長爽口物多終作

疾快心事過必成殃知君病後能服藥不若病前能自防

事到強為湏迹迹人能知止是先機才高正被聰明

使身貴方為利害移並詩康節嘗誦希夷語曰得便宜

事不可再作得便宜處不可再去又曰落便宜是得便宜

卷前陳希夷嘗戒門人种放曰名者古今之美器造物者

深忌之天地間無完名清話劉器之云富鄭公年八十書

敬戒

坐屏云守口如瓶防意如城是氏家語切深疾惡反傷和
陳後山集互見已甚

記纂淵海卷第一百二十七

記纂淵海卷第一百一十八

○人情部之三

鑒戒

經人無於水監當於民監書酒誥殷監不遠在夏后之世詩變大雅

子借明為鑑淮南子

史前事不忘後事之師史記鄭世家鑑於水者知面容鑑

於人者知吉凶史蔡澤傳前車覆後車戒秦世之所以亟

絕者其轍跡可見也然而不避是後車又將覆也通鑑往

事所以知今後漢馮異傳明鑑未遠覆車如昨後漢陳蕃

傳里語曰明鑑所以照形古事所以知今通鑑魏邵陵厲

公李襲言曰變法不若養人改作寧如舊貫韓建蓄財無

數首事朱温王珂變法如麻一朝降賊中山城非不峻一

蔡兵非不多前事甚明可以為戒通鑑唐昭宗

傳記以鏡自照者見形容以人自照者見吉凶太公陰謀

集前鑒不遠覆車繼軌選運命論羊腸留覆轍劉長卿集

始晉之侈家若欒氏祁氏羊舌氏以十數不能自保以貪

國之利五卿裂而食之矣范氏中行氏貪人之土田侵人

之勢力三卿又裂而食之矣柳漁者對互入貪迷前事之

不忘後事之元龜白樂天集明鏡一時覆車千祀王無功

誅心

經犯時之忌罪不在大失其所適過不在深易畧惟厥罪

無在大亦無在多書康刑故無小不忌故犯蚩小敗常乱

俗三細不宥書君陳

史懲惡而勸善求名而亡欲蓋而章書齊豹盜三叛人名

左傳趙穿攻靈公于桃園宣子未出山而復太史書曰趙

盾弑其君以示於朝宣子曰不然對曰子為正卿亡不越

竟反不討賊非子而誰左宣許悼公瘡飲太子止之藥卒

書曰弑其君左昭宋督殺孔父而取其妻公怒督懼遂弑

公君子以督為有無君之心而後動於惡左桓君親無將

將而必誅公羊人臣無將將即反罪死無赦史通孫公孫

洪曰解布衣為任俠行權以睚眦殺人解不知此臯其於

解知殺之西漢郭解傳

集春秋書王法不誅其人身韓文讀皇唐崔沆為主罰錄

事同年盧彖者俯及閔燕請假往洛及還同年已宴於曲

江亭彖以雕幘戴妓微服縱觀為團司所發沆判之曰深

攬席帽密映羶車紫陌尋春便隔同年之面青雲得路可

觀異日之心唐崔沆同教盜穴墻發櫃多得金玉已復不

與同挈得不為盜乎杜牧之集

本朝蜀李順黨有罪逃亡者張詠知益州許其首身拘其

母十日不出釋之拘其妻一宿而來公斷云禁母十夜留

妻一宵倚門之望何踈結髮之情何厚就出斬之語錄延

齡之親寵陸贄之廢黜趙憬實為之助憬之罪大矣必若

治之以春秋之法憬其為誅首欵范祖禹唐元稹行李從

易宗丞制詞云昔劉氏子孫在屬籍者十餘萬人嘗考王

莽居攝時作大誥云宗室之雋有四百人孟康注云謂諸

劉見在者何多寡不同如此豈莽殘啄之餘所謂四百人

者皆贊莽以盜漢媮生嗜欲之徒欵不然安得生存于斯

至為莽稱雋耶侯鯖錄無將之戒深著於曾經不道之誅

難逃於漢法賈丁謂制

懲創

子如追放豚既入其笠又從而招之孟下畏馬之蹶作蹶
 也不敢騎懼車之覆也不敢乘淮南子有以噎死者而禁天
 下之食有以車馬敗者而禁天下之乘不亦悖哉 未嘗
 灼而不敢握火者見其有所燒也未嘗傷而不敢擢刃者
 見其有所害也並同有以咽藥而死者欲禁天下之醫非
 也有以乘舟而死者欲禁天下之船非也亢倉子
 史人情挫辱則義節之風填後世羊祜曰當斷不斷天與
 不取豈非更事者恨於後時哉晉書以饑廢餐梁書韓
 顯宗曰豈可以世無周召便廢宰相而不置哉後魏杜門
 齧舌西漢惟昔人有以一噎而得病乃欲絕食唐書陳懲
 沸羹者吹冷壘傷弓之鳥驚曲木唐書魏元忠自端州

還為相不復強諫而與時俯仰中外失望通鑑唐德裕言
 昔玄宗以臨淄王定內難自是疑忌宗室不令出閣所以
 悉為安祿山朱泚所魚肉者由聚於一宮故也通鑑唐文
 傳更羸與魏王處廡下有鴈雙飛東方一作從東方來更羸虛
 發而鴈下魏王曰射可至此乎更羸曰其飛徐其鳴悲飛
 徐其瘡痛也鳴悲者久失群也故痛未息驚心未去故聞
 弦音而下魏一噎之故絕穀不食一蹶之故却足不行
 談苑談叢篇

懲熱羹而吹壘楚辭懲於羹者而吹壘兮何不變此之
 志也楚辭傷禽見弦驚倦客惡離身宋鮑傷禽惡弦驚文選
 棟門危葉畏風驚禽易落文選治病不得真藥合而服之
 病以浸加不自知為人所欺也乃反謂方不誠而藥皆無
 益於療病因弃後藥弗敢復飲而更求巫覡雖死可也符王

懲創

論夫懲殘創酷

一噎而絕餓狼謬娶而遠正女

也陳子昂集

虛弦落驚禽

李太白集

涸鱗驚馬照轍墜羽怯虛穹

王璐賓

如痛定

之人思當痛之時不知何能自處也

韓文

絕口不掛時事

務為崇深以拒止嫉妬之口

韓文與李實書

虛弓鴈畏威

弦尚驚危心不定垂耳斯久長鳴孔悲

遂令後代登壇

者每一尋思怕立功

並劉賓客

空穹而鴈驚虛引而猿泣

白集

未聞籠裏鳥飛出肯飛還

白樂天集

傷弓未息新驚鳥

白樂天

懼再傷弓

劉長卿

昔人有因噎而廢食者又有懼溺而自

沈者其為矯枉防患之慮豈不過哉

陸宣公

有憂社稷心亦

噤而不吐

唐文粹

本朝

我遭讒口身落此每聞巧舌宜可憎

歐文

年來效暗

啞天靜傷鴻猶戢翼月明驚鵲未安枝

並坡

掃迹滅景

於人間如脫兔之投枝也

東坡文集

蓋世有耕田而以其耜殺

人者或者因以耕田為可廢矣

又

蟄泥塗聞震雷而惕

若深囚籠檻得清風而自疑

並樂城集

奮發

經發憤忘食樂以忘憂不知老之將至云耳

語

子若夫豪傑之士雖無文王猶與

孟子尺心上

史始雖垂翅終能奮翼

東漢馮異傳

有志者事竟成

後漢

景弇傳陶侃在州無事輒朝運百甓於齋外暮運於齋內

人問其故答曰吾方致力中原過爾優游宴逸恐不堪事

其勵志勤力皆此類也

晉書

劉詞以功迂團練使常被甲

枕戈而臥曰我以此取富貴豈可一日輒忘之且人情易

習若一墮其筋力有事何以報國乎

五代史

集言未足以動聽故必激發以取異行未足以應遠故必

砥礪以沽名劉賓客松栢不幸出於岩穴之內脞脆者則磴然其牙伏死其下矣何自奮之能為是松栢也雖稚氣初拆而正性不辱及其壯也力與石鬪乘陽之威悲已之軋拔而將升卒不勝其壓擁勇鬱遏至憤激訐然後大醜彰於形質天下拍之為怪木吁豈異人乎哉天賦才之盛者蚤不得用於世則伏而不舒薰蒸沈酣日進其道摧擠勢奪卒不勝其阨號呼嗷拏發越赴訴然後大奇發於文采天下拍之為恠民陸龜蒙不鼓踴無以起泥塗折文
本朝敢不磨礪淬濯已衰之心紬繹溫尋已廢之孝臨川

發憤

經率德改行書蔡仲之命發憤忘食語述而不憤不啓不悱不發語述而

百十八

五

子天將降大任於是人也必先苦其心志勞其筋骨餓其體膚空乏其身行拂亂其所為所以動心忍性增益其所不能孟子告晉公子重耳霸心生於曹越王勾踐霸心生於會稽齊威公小白霸公生於莒荀子蘇秦若有負郭之田必不佩六國之印主父不為親友所蔑必不窺五鼎之食張儀不有堂下之耻必無入秦之志范雎若無廁中之辱不懷復魏之心甯越激而修文卒為周威之師班超憤而習武終建西域之績皆因窘而發志緣阨而顯名劉子
史以夷程遇秦擯斥之不得與中國之會盟於是孝公發憤強秦通鑑越王念吳之復夏則握火冬則抱冰吳越痛心疾首左越王勾踐反國乃苦身焦思置膽於坐坐卧即仰膽飲酒亦嘗膽也曰汝忘會稽之耻乎身自耕作食不加肉衣不重采折節下賢人厚遇賓客振貧吊死與百

發憤

姓同其勞史記越世家蘇秦窮困歸兄嫂姊妹妻皆笑之不為

下機秦乃閉室讀周書陰符後合六國從約相六國車騎

輜重擬於王者史記荀卿嫉濁世之政於是推儒墨道德

之行事著數萬言史記本傳震卿不得意乃著書世傳曰震氏

春秋太史公曰震卿非窮愁亦不能著書以自見於後世

史記不困危惡能激乎史記蘇秦傳蘇秦為合從長諸侯各發

使送之擬於王者歎曰使我有洛陽負郭田二頃吾豈能

佩六國相印乎史記本傳西伯拘而演周易仲尼危而作春秋

屈原放逐乃賦離騷左丘失明厥有國語孫子擯脚兵法

脩列不韋遷蜀世傳呂覽韓非囚秦說難孤憤詩三百篇

大抵賢聖發憤之所為作也左丘明無目孫子斷足終不

可用退論書策以舒其憤思垂空文以自見西漢馬遷傳盱衡

厲色西漢王莽傳程方進給事太守府為小吏數為掾吏所詈

辱方進自傷乃西至京師受春秋積十餘年經孝明習徒

衆日廣諸儒稱之以射策甲科為郎西漢本傳發憤悃悞西漢

傳有志者事竟成東漢東吳傳諸葛瑾曰失旦之雞復思一鳴

吳志周處少不修細行州曲患之處自知為人所惡慨然

有改厲之志謂父老曰今時和歲豐何不樂耶父老曰三

害未除何樂之有處曰何謂也荅曰南山白額猛獸長橋

下蛟并子為三矣處乃入山射虎投水殺蛟勵志好孝志

存義烈克己暮年州府交辟晉書本傳張淳曰讎耻未雪

枕戈待旦何自娛之有通鑑晉瀝膽抽腸梁書

傳葛洪云司馬遷發憤作史記百二十篇史通

集焚舟而克手劍而盟者皆敗北之餘也子之厄困父矣

霸心勇氣無乃發於是乎柳文世不賤不足以立志地不

卑不足以立名皮日休集大凡物不得其平則鳴草木之

無聲風撓之鳴水之無聲風蕩之鳴其躍也或激之其趨也或梗之其沸也或炙之金石之無聲或擊之鳴人之於言也亦然有不得已者而後言其諤也有思其哭也有懷凡出乎口而爲聲者其皆有弗平者乎

韓文送孟東野序

記纂淵海卷第一百一十八



寄興

經子擊磬於衛有荷蕢而過孔氏之門者曰有心哉擊磬乎語子曰觚不觚觚哉觚哉語色斯舉矣翔而後集曰山

梁雌雉時哉時哉語鄉黨

子關雎興于鳥而君子美之取其雌雄之有別鹿鳴興于獸而君子大之取其得食而相呼家語三恕篇仲尼亟稱

於水曰水哉水哉孟子大公釣隱磻溪五十有六年矣而

未嘗得一魚魯連聞之往而觀其釣大公跪石隱崖且不餌而釣仰詠俯吟及暮而釋竿符子

史陶淵明性不解音而蓄素琴一張絃微不具每朋酒之

會則拊而和之曰但識琴中趣何勞絃上聲晉書本傳王

徽之嘗居山陰夜霽月色清明四望皓然酌酒詠左思招

隱詩忽憶戴逵時逵在剡便夜乘小船詣之經宿方至造

門不前而反人問其故曰本乘興而行興盡而反何必見

安道耶晉書陸龜蒙升舟設蓬席齋束書茶竈筆牀釣具

往來時謂江湖散人唐書本傳張志和垂釣不設餌志不

在魚唐書本傳

傳孔子過谷中見蘭獨茂嘆曰蘭當為王者香今乃獨

茂與眾草為伍乃止車援琴鼓之自傷不逢時託辭於香

蘭云琴操互見自嘆

集往時張旭喜草書不治它技喜於窮憂悲愉佚怨悵

思慕酣醉無聊不平有動於心必於草書發之觀於物具

山水崖谷鳥獸蟲魚草木之花日月列星風雨水火雷霆

寄興

霹靂歌舞戰鬪天地事物之變可喜可愕一寓於書故旭
之書變動猶鬼神不可端倪以此終其身而名後世韓文
送高閑上人序垂竿不在魚賣藥不為錢劉長卿詩情聊
自遣不足赴聲名姚少監

感懷

經魯共王壞孔子舊宅以廣其居於壁中得古文升堂聞
金石絲竹之音乃不壞宅悉以書還孔氏書序子在齊聞
韶三月不知肉味曰不圖為樂之至於斯也語
子卿大夫士蹈之則可以尊君父立忠信守志厲操者儀
之則可以崇高節抗浮雲孟子序聞伯夷之風者頑夫廉
懦夫有立志聞柳下惠之風者鄙夫寬薄夫敦奮乎百世
之上百世之下聞者莫不興起孟子

史孔文舉高志直情足以動義槩東漢孔融傳
集事有曠百世而相感者余不自知其何心韓文不因感
衰節安能激壯心劉賓客撫馬待騁夜風起而長鳴匣劍
有靈秋氣來而自動呂和叔文

激厲

經弗率訓典殊厥井疆俾克畏慕書畢命求也退故進之
由也兼人故退之論先進由之瑟奚為於丘之門語
子水搏而躍之可使過顙激而行之可使在山孟子告子上
予不屑之教誨也若是亦教誨之而已矣孟子告子下金石
有聲不考不鳴莊子聖人賞一人而天下論之罰一人而
天下畏之故至賞不費至刑不濫孔子誅少正卯而魯國
之邪塞子產誅鄧析而鄭國之姦禁淮南子鮑叔為桓公

祝曰使公無忘在莒時管子無忘在魯時甯戚無忘車下時尸子賞一以勸百罰一以懲衆文中子立命篇

史春秋以一字為褒貶左傳杜預序善人勸焉淫人懼焉左昭

夫差使人立於庭苟出入必謂已曰夫差而忘越王之殺而父乎則對曰唯不敢忘三年乃報越左傳定公十四年五見報怨

子貢利口孔子常黜其辯史本張儀謁蘇秦秦戒門下不為通又不得去數日已而見之坐於堂下賜僕妾食曰張儀天下之賢士恐其樂小利故召辱之以激其意史記張儀傳

白 園公綺里季夏黃公角里先生鄭子真嚴君平皆未嘗仕然其風聲足以激貪厲俗西漢王貢等傳序張良游下邳有一父老衣褐至良所直墮其履圯下顧謂良曰孺子下取履良愕然欲歐之為其老廼強忍下取履因跪進父以足受之笑去曰孺子可教矣後五日平明與我期此良曰諾

五日良往父已先在怒曰與老人期後何也去後五日蚤會後五日良夜半往有頃父亦至喜曰當如是出一編書曰讀是則為王者師西漢張良傳激清流揚微波蜚英聲騰茂實詞馬相爵祿者天下之砥石所以礪出磨鈍也前漢梅福傳

馬援與隗囂將楊廣書曰今者歸老更欲低頭與小兒曹共槽檻而食乎通鑑東漢周顛奔琅琊王眷諸名士登新亭相

眦流涕王導曰當戮力王室克復神州何至作楚囚對泣耶通鑑晉懷帝紀時披劉謝晦為宣州刺史頗有矜色將

之鎮詣叔光祿澹澹問年晦曰三十五澹笑曰昔荀中郎年二十已為此府都督卿比之為老矣晦有愧色宋書立

懦夫之志息貪競之風北史楊愔幼時為季父暉大嗟異顧謂賓客曰此兒括裕有我家風宅內有茂竹遂為愔於

林邊別葺一室命獨處其中常銅盤具盛饌以飯之因以

敷厲

敷厲

督厲諸子曰汝輩但如遵彥慎謹自得竹林別室銅盤重

由之食後魏書互見子弟門激清風於萬古厲薄俗於當年唐書忠義傳序

魏諸牧守共謁丞相秦泰命河北太守裴俠別立謂牧守

曰裴俠清謹奉公為天下最有如俠者可與共立眾默然

無敢應者泰乃厚賜俠朝野嘆服號為獨立使君通鑑累武紀

王世充誓眾曰今日之戰非直爭勝負死生之分在此一

舉若其捷也富貴固所不論若其不捷必無一人獲免所

爭者死非獨為國通鑑唐高祖

傳記陶侃為荊州見佐吏博奕戲具投之於江曰園基堯

舜以教愚子博般紂所造諸君並國器何以此為晉中興書

集夫少之與長也異觀少之時人惟童子之異及其長也

將責成人之禮焉成人之禮非止於童子所能而已也然

則童子宜暫息乎其已學者而勤乎其未學者可也韓文

賞厚可令廉士動心罰重可令凶人喪魄韓文淮西為善

者不越月踰時而得其賞則人勇而有勸焉為不善者不

越月踰時而得其罰則人懼而有懲焉刑齊桓將圖霸

功管仲戒之以無忘在言懼其情志之易變也文宣所以

激生者節豈獨慰死者魂白樂天集人之詞待扣而揚猶井之

利汲劉賓客

本朝美井不日汲何由發清甘歐公集欲試百鍊剛要須

更泥蟠東坡詩

責備

子有求全之毀孟子

史盛名之下其實難副東漢黃瓊傳春秋之法當責備於

賢者唐太宗贊盛名之下為難居矣名盛則責望備唐書

責備

集鍊金索堅貞洗玉求明潔孟郊詩鳳凰五色百鳥尊知韋應物集寫為害何不言

本朝名下難為人山谷詩

仰望

經節彼南山維石巖巖赫赫師尹民具爾瞻詩節南山

子良人者所仰望而終身也孟子離婁下若大旱之望雨

也 孟子滕文公下

史季武子曰小國之仰大國也如百穀之仰膏雨焉左襄

閔閔焉如農夫之望歲左昭子餘曰重耳之仰君也若黍

苗之仰陰雨也若君實庇陰膏澤之使能成嘉穀焉宗廟

君之力也國語呂不韋曰吾門待子門而大史本王吉少

與貢禹為友吉為益州刺史貢聞之拂冠以待西漢天下

也 西漢

莫不拭目傾耳後漢天下聚目而視攢耳而聽東漢盧

軒未動天下翹然待之矣唐陳子昂傳

集彈冠俟知己曹子建贈倚梧傾高鳳寒谷待鳴律顏延

詩冀宵燭之末光邀潤屋之微澤標論今天下以君侯為

文章之司命人物之權衡一經品題便作佳士而君侯何

惜階前盈尺之地不使白揚眉吐氣激昂青雲耶李白與

書萬井九街皆仰望物善人進其類皆有望於公韓文

致察

經視履考祥易履人無於水監當於民監書酒明清于

辭書呂刑有言逆于汝心必求諸道有言遜于汝志必求

諸非道書太今吾於人也聽其言而觀其行語子曰視其

所以觀其所由察其所安人焉廋哉語為君子不以言察

人不以人廢言語衛靈公

子聽其言也觀其眸子人焉廋哉孟離觀近臣以其所為

主觀遠臣以其所主孟子左右皆曰賢未可也諸大夫皆

曰賢未可也國人皆曰賢然後察之見賢焉然後用之左

古皆曰不可勿聽諸大夫皆曰不可勿聽國人皆曰不可

然後察之見不可焉然後去之左右皆曰可殺勿聽諸大

夫皆曰可殺勿聽國人皆曰可殺然後察之見可殺焉然

後殺之故曰國人殺之也孟子察其眉睫之間而得其

情列子不知其子視其友不知其君視其左右荀子流言

止於智者荀子觀人者審其作輟而已矣揚孝至

史子產曰它日吾見蔑之面而已今吾見其心矣左襄二

言之太甘其中必苦國語觀其容而知其心矣國語貌言

華也至言實也苦言藥也甘言疾也史商不知其人視其

友史無唐李克曰居視其所親富視其所與達視其所舉

窮視其所不為貧視其所不取五者足以定之矣史魏齊

威王召即墨大夫語之曰自子之居即墨也毀言日至然

吾使人視即墨田野辟人民給官無事東方以寧是子不

事吾左右以求助也封之萬家召阿大夫語之曰自子守

阿譽言日至吾使人視阿田野不辟人民貧餒是子厚幣

事吾左右以求譽也是日烹阿大夫及左右嘗譽者周紀

聽言之道必以其事觀之則言者莫敢妄言西漢賈忠言

逆耳利於行毒藥苦口利於病前漢張達觀其所舉富觀

其所予窮觀其所不為貧觀其所不取近觀其所為遠觀

其所主西漢杜夫談有悖於目拂於耳諛於心而便於身

者或有說於目順於耳快於心而毀於行者非有明王聖

主孰能聽之西漢東徙郡國豪傑及訾三百萬以上于茂

致察

陵軼人郭解閔東大俠也亦在徙中衛將軍為言郭解家

貧不中徙上曰解布衣權至使將軍為言此其家不貧卒

徙解家通監漢武紀傳聞之事常多失實通監漢武紀上官桀怨霍

光令人詐為燕王上書言光出都羽林道上稱趨又擅調

益莫府校尉光聞之不入上問大將軍安在桀對以燕王

告其罪不敢入有詔召光光免冠上曰將軍冠朕知是書

詐也將軍調校尉未十日燕王何以知之通監漢武紀始

信元元互入不貴視其所舉富視其所與貧視其所不為說苑無以先

入之語為主西漢傳臣下雷同是非相蔽國之大患也若

不和睦則有讎黨有讎黨則毀譽無端毀譽無端則真偽

失實此皆不可不深察也通監魏明紀欲知治經之士則視其

記覽博洽講論精通斯為善治經矣欲知治獄之士則視

其曲盡情偽無所冤抑斯為善治獄矣欲知治財之士則

視其倉庫盈實百姓富給斯為善治財矣欲知治兵之士

則視其戰勝攻取敵人畏服斯為善治兵矣通鑑孫亮出

西苑方食生梅使黃門至中藏取蜜漬梅蜜中有鼠屎召

問藏吏吏叩頭亮問吏曰黃門從汝求蜜耶吏曰向求實

不敢與黃門不服侍中刁玄張邵啓黃門藏吏辭語不同

請付獄推亮曰此易知耳令破鼠屎裏燥亮大笑謂玄邵

曰若久在蜜中中外俱濕今裏燥必黃門所為黃門首服

左右莫不驚悚吳曆邵詵對策曰飾智於外藏邪於內邪

正之人難得而知也晉書自古以來欲為左右耳目者無

非小人皆先因小忠而成其大不忠先藉小信而成其大

不信通監晉武紀一人之身所閱者衆故能官得其才鮮有敗

事通監宋山相崔群對曰無情曲直辨之至易稍懷欺詐審之

實難故孔子有衆好惡之論浸潤膚受之說蓋以曖昧難

辨故也唐書自古及今骨肉乖離以至敗國亡家未有不

因左右離間而然也通監唐高宗上曰人主惟有一心而攻之

者甚衆或以勇力或以辨口或以諂諛或以姦詐或以嗜

欲輻湊攻之各求自售以取寵祿人主少懈而受其一則

危亡隨之此其所以難也通監唐太宗昔趙武吶吶而為晉賢

臣絳侯木訥而為漢元輔人之難知堯舜所病胡可以一

訓一詰而謂盡其能哉以此察天下之情固多失實通監唐德宗

傳記貌同而心異貌異而心同史通

集不予衾之眠信予衾之穿盧仝嘻笑之怒甚乎裂背長

歌之哀過乎慟哭初文求忠臣於孝子求良婦於罵已食

子盡節也推其忍可以疑心放驛違命也推其仁可以屬

國劉賓客集互入因小見大

本朝戰勝之後陛下可得而知者凱旋捷奏拜表稱賀赫

然耳目之觀至於遠方之人肝腦屠於白刃筋骨絕於饋

餉流離破產鬻賣男女薰眼折臂自經之狀陛下必不得

而見也慈父孝子孤臣寡婦之哭聲陛下必不得而聞也

棘譬猶屠殺牛羊剝鬻魚鼈以為膳羞食者甚美死者

甚苦使陛下見其號呼於挺刃之下宛轉於刀几之間雖

八珍之美必將投筋而不忍食而况用人之命以為耳目

之觀乎東坡集

嘿會

經古之君子不必親相與言也以禮樂相示而已託仲尼

煎居子曰吾與回言終日不違如愚退而省其私亦足以

發回也不愚子曰回也於吾言無所不說論語默而識

之論語

不窺牖見天道老子犁然有當於人之心初子山坐於

室而見四海荀子君子不下堂而海內之情舉積此者荀

漢龐參為漢陽太守郡人任常有奇節隱居參候之棠不

與言但以薤一大本水一盂置戶屏前自抱孫兒伏於戶

下主簿白以為倨參思之曰水者欲吾清也按大本薤者

欲吾擊強宗抱兒當戶欲吾開門恤孤也後漢

史山濤論用兵不學孫吳而闇與之合晉書阮瞻讀書

不甚研求而默識其要遇理而辯本傳暗合孫吳魏元忠

帝問柳公權用筆法對曰心正則筆正筆正乃可法矣

時帝荒淫故公權及之帝改容悟其以筆諫也新唐書

傳記坐披囊篋而神交萬古不出戶庭而窮覽千載史通

望表而知裏捫毛而辨骨史通如人飲水冷暖自知傳

集不取孫吳而闇與之會曹植疏不出戶而知天下方何

必歷遠以劬勞張平子賦知言之人默其而其意已傳韓文

千古同一心唐文孫吳暗合王維集

寬解

經司馬牛憂曰人皆有兄弟我獨亡子夏曰商聞之矣死

生有命富貴在天四海之內皆兄弟也君子何患乎無兄

弟也論語

史勾踐之困於會稽喟然嘆曰吾終於此乎種曰湯繫夏

臺文王囚羸里晉重耳奔翟齊小白奔莒其卒王霸由是

觀之何處不為福乎史越世家互見禍福倚伏

集昔顏氏之庶幾兮在隱約而平寬固哲人之細事兮夫

子乃嗟嘆其賢惡飲食乎陋巷兮亦足以頤神而保年有

至聖以為之依歸兮又何苦不自得於艱難韓文當今聖

人求侍從按擢杞梓收括箇東馬巖徐已奮飛枚臯即召
窮且忍韓文鳴臯啄母腦母死子始蕃蝮蛇生子時拆裂
腹與肝好子雖云好未還恩與勤惡子不可說鳴臯蝮蛇
然有子且勿喜無子固勿嘆韓愈孟東君不見買臣衣錦
還故鄉五十身榮未為晚白集悠悠天地內不死會相逢
白詩即集互矢捨雖未中璞全終待攻高遠艷色天下重
見曠達門西施寧久微王維有才年少屈終難同上人生多少歡娛
事那得十分無一分唐文粹

本朝行藏自欲追時節豈是人間不見容臨川君猶鸞鶴
偶飄墮六翮如雲豈長鑠坡詩人生不信長轆轤坡莫
為無車馬含羞入劍關眼前百種無不有知君一以詩
驅除並同身健何妨遠陳後得志寧論晚同上和氏有尺
璧楚國無人知但使玉非石果有遭逢時山谷曠度逢知

晚高才處下難轍山但存心裏正勿愁眼不遲

天風不借便造物暫淹沮僧參今代貴人須白髮挂冠高
處未宜彈陳後山

怨望

經四方有羨我獨居憂民莫不逸我獨不敢休詩十月大

夫不均我從事獨賢詩小雅民莫不穀我獨于罹詩小雅何辜

於天我罪伊何同上或燕燕居息或盡瘁事國或息偃在

床或不已于行或不知叫號或慘慘劬勞或棲遲偃仰或

王事鞅掌或湛樂飲酒或慘慘畏咎幽小雅父母生我胡

俾我瘡不自我先不自我後詩正東人之子職勞不來西

人之子粲粲衣服幽小雅於我乎夏屋渠渠今也每食無

餘吁嗟乎不承權輿於我乎每食四簋今也每食不飽于

嗟乎不承權輿詩國風適彼樂土詩碩貧而無怨難語憲寧

不我顧詩日

子此莫非王事我獨賢勞也孟子萬章上

史信而見疑忠而被謗能無怨乎史屈不見用常鞅鞅怨

望史記伍叩心怨上西漢伍不意君之望臣深也西漢張

敖韓信封為淮陰侯信知漢王畏惡其能多稱病不朝從

居常鞅鞅羞與絳灌等列嘗過樊將軍噲噲跪拜送迎言

稱臣曰大王乃肯臨臣信出門笑曰生乃與噲等為伍通鑑

漢高紀互見失勢黯褊心不能無少望見上言陛下用群臣如積

薪後來者居上西漢汲怨氣滿腹後漢直如絃死道邊曲

如鈎反封侯李固陽球曰微蔑斗筭莫不蒙被殊恩通鑑

怏怏形於言色梁武揚儀自謂年官先蔣琬才能踰之於

是怨憤形于聲色歎咤之音發於五內時人畏其言語不

節莫敢從也對費禕恨望又語禕曰往者丞相亡歿之際

吾若舉軍以就魏氏處世寧當落度如此耶令人追悔不

可復及韓密表其言漢主廢儀為民自殺通鑑魏明紀互見因言取禍

范曄有雋才而薄情淺行數犯名教為士流所鄙性躁競

自謂才用不尽常怏怏不得志通鑑宋太祖劉文靜自以才畧

功勳在裴寂之右而位居其下意甚不平飲酒酣怨望拔

刀擊柱曰會當斬裴寂首通鑑唐高祖李密怒曰唐使吾與絳

灌同列何以堪之通鑑唐高祖

傳羅友谷巨温書曰日出門逢一鬼大挪揄云我祇見

汝送人作郡何以不見人送汝作郡世說郝隆為南蠻參

軍作詩曰陬隅躍清池巨温曰何為作蠻語隆曰千里投

公始得一蠻府參軍那得不作蠻語世說互見失望

集悠悠蒼天兮莫我振理楚辭死節勤公爵祿不及偷榮

尸祿寵秩或加陳子昂集北里富熏天高樓夜吹笛焉知南隣

客九月猶締綵杜詩百年歌自苦未見有知音 諸公袞

袞登臺省廣文先生官獨冷甲第紛紛厭梁肉廣文先生

飯不足 霄漢瞻佳士泥塗任此身並同上絳灌更能經幾

歲賈生何事又三年 大造功何薄長平氣尚冤 太陽

偏不及非是未傾心 何意同根本開花每後時應緣去

日遠獨自發春邊年光不可待空羨向南枝並同上但令識

字者操弄刀筆權 征人戰苦東刀鎗主將勳高換羅幕

時輩多得途並同上無限公卿因戰得與君依舊綠衫行

元微之集夔何罰而蹉跎蛇何功而扶持 相逢滿眼是淒涼

並同上上林多少木不得一枝棲唐李義府詩若道平分四時

氣南枝為底發春偏劉賓客隱隱聚若雷嗜膚不知足皇天

苦不平微物教食肉貧士無絳紗忍苦臥茅屋何事覓膏

腴腹無太倉粟皮日集側望卿相門難入堅如石王無太

怨望

怨望

怨望

只遊桃李徑春風肯管歲寒枝盧仝文非有道德智謀承顧

問贊教化者乃反得蒙採擢薦進光耀如此柳文不才明

主弃多病故人踈孟浩奪我身上暖買爾眼前恩進入瓊

林庫歲久化為塵然時傷大野麟今問長沙鵬君恩薄

如紙並杜牧之清血灑不盡仰天知問誰空過流年徒生聖

代

本朝譬如溝中斷誰復強收拾樂城范諷自給事中謫官

數年歸濟南城西張氏園亭飲宴題詩曰園林再到身猶

健官職全拋夢乍醒惟有南山與君眼相逢不改舊時青

張師正倦遊錄

怨恨

史葉公之弟后臧從其母於吳不待而歸葉公終不正規

記百廿

左定獻子曰所不此報無能涉河左桓齊侯曰余姑剪滅

此而朝食左成三范鞅遇樂樂曰死將訟女於天左襄三

譬如禽獸臣食其肉而寢其皮矣襄二十一年齊子雅子尾

怒盧蒲癸慶封告之癸曰譬之如禽獸吾寢處之矣左襄

衛子鮮出奔晉不鄉衛國而坐左襄魯昭公曰則不

能見夫人已所能見夫人者有如何左昭一袁盎素

不好晁錯錯所居坐盎去盎坐錯亦去兩人未嘗同堂語

史本傳互趙襄子怨智伯漆其頭以為飲器史本傳日夜扼

腕瞋目切齒史本傳張勾踐曰日夜焦唇乾舌欲與吳王接

踵而死史本傳灌夫橫穎川穎川歌曰穎水清灌氏寧穎

水濁灌氏族史本傳自公卿以下至于庶人咸指湯史本傳三

溫舒誅滅淮陽人甚多及死仇家欲燒其尸史本傳互矢

買臣見張湯湯坐牀上丞吏遇買臣不為禮買臣楚士深

怨恨

怨常欲死之史記張秦父兄怨此三人痛入骨髓皆側

目於望之等西漢劉向傳公孫洪亦仄目而事固西漢轅固傳往往

拍目西漢陳勝傳晁錯父謂錯曰口語多怨公西漢轅固傳錯舌自殺

西漢夫傳漢李文與張湯有隙已而為御史中丞事有可以傷

湯者不能為地西漢張湯傳言必切齒西漢王莽傳僕以口語遇遭

此禍重為鄉黨戮笑汗辱先人亦何面目復上父母之丘

墓乎雖累百世詬彌其矣是以賜一日而九回居則忽忽

若有所亡出則不知所如往每念斯恥汗未嘗不發背露

衣也前漢司馬遷傳齊恨入冥東漢馬援傳孫秀為小吏給事岳而狡

黠自喜岳惡其為人數撻辱之秀常銜忿及過王倫輔政

秀為中書令岳於省內謂秀曰孫令猶憶疇昔周旋不吝

曰中心藏之何日忘之岳於是自知不免俄而秀遂誣岳

及石崇歐陳建謀奉淮南王允齊王罔為亂誅之夷三族晉書

見張華裴頠之被誅趙王倫孫秀以宿憾收解系

兄弟梁王彤救系倫怒曰我於水中見蟹且惡之況此人兄

弟輕我耶此而可忍孰不可忍遂害之晉書壘之粉之屠

之裂之猶未足以謝通鑑宋侯景謂左右曰我固知吳老

公薄心腸通鑑梁盧杞遇赦用為饒州刺史給事中袁高

應草制執以白盧翰劉從一曰百辟疾之若讎六軍思食

其肉通鑑唐史弘肇尤惡文士常曰此屬輕人難耐每謂

吾輩為卒通鑑五代諸葛靚歸于鄉里終身不向朝廷而

坐通鑑西晉吳謝厲曰潘太常常切齒於君但道無因耳

通鑑魏郡晉李太后在建州臥病無醫藥惟與晉主仰天

號泣戟手罵杜重威李守貞曰吾死不置汝通鑑後劉劭

罷青州歸父奉朝請未除官常戟手於執政通鑑後

傳求言怨耻生死莫云仰天府地何以為生含齒戴髮

怨恨

何以爲見史通吳王賜子胥屬鏤之劍子胥伏劍而死吳王取子胥尸盛以鴟夷之器投之於江子胥因隨流揚波依潮往來蕩激崩岸後漢趙曄越王賜文種屬盧之劍而死越王葬種於國之西山葬一年伍子胥從海上穿山脅而持種去與之俱浮於海故前潮水候者伍子胥也後重水者大夫種也同上

集怒目切齒選酒德頌天道如何吞恨者多選鮑照賦飲恨吞聲江文通賦

仇隙

經父之讎辟諸海外兄弟之讎辟諸千里之外從父兄弟之讎不同國君之讎眦父師長之讎眦兄弟主友之讎眦從父兄弟周禮父之讎弗與共戴天兄弟之讎不反兵交

游之讎不同國記曲禮

史周鄭交惡左鄭息有違言左隱公與大夫始有惡左哀

韓簡子與趙文子相惡魏襄子亦與范昭子相惡左定三家未睦左定與我同壤而世爲仇讎左哀滅宣嘗與湯

有隙窮竟其事史張王温舒死仇家欲燒其尸史本傳君臣多間左哀將軍與臣有隙西漢內有讖介西漢

晁厝素與吳相袁盎不善錯所居坐盎輒避盎所居坐厝亦避兩人未嘗同堂語通鑑曹參爲宰相與蕭何有

隙西漢趙温與郭汜爭睚眦之隙以成千鈞之讎東漢眦睚之恨反成嫌隙魏志王珣娶萬女珉弟娶安女並不

終由是與謝氏有隙晉書謝李抱真馬燧二人怨隙甚深不復相見通鑑唐德宗

集同盤飲食常睚相視不交一言杜牧之

仇隙

責報

經往而不來非禮也來而不往亦非禮也 說曲禮

史報者倦矣施者未厭 左僖二十四 晉公子重耳及楚楚

子饗之曰公子若反晉國則何以報不穀 左僖二十三 楚

令尹子旗有德於王不知度與養氏比而求無厭 左昭十

集孰能施於無報 楚辭

記纂淵海卷第一百二十

責望

微君之故胡為乎中露詩式微母金玉爾音而有遐心詩

駒借曰未知亦既抱子詩抑子惠思我褰裳涉溱子不我

思豈無他人詩褰裳豈無他人不如我同父詩胡逝我梁不

入我門胡逝我梁不入唁我始者不如今云不我可我聞

其聲爾還而入我心易也還而不入否難知也壹者之來

俾我祗也幽小雅彼狡童兮不與我言兮維子之故使我

不能餐兮鄭風忘我大德思我小怨變小雅伊誰云憎詩

月縱我不往子寧不嗣音詩已責人見相彼投兔尚或先

之行有死人尚或堙之君子秉心維其忍之幽雅死生契

闊與子成說執子之手與子偕老于嗟闊兮不我活兮于

嗟洵兮不我信兮詩擊鼓終遠兄弟謂他人父謂他人父亦

莫我顧詩王風葛藟

子行脩而名不彰友之罪也家語互見舍館定然後求見

長者乎孟離為民父母使民眈眈然將終歲勤動不得以

養其父母又稱貸而益之使老稚轉乎溝壑烏在其為民

父母也孟滕文上

史楚伐鄭鄭使告于晉知武子使行人對曰君有楚命亦

不使一介行李告于寡君而即安于楚左襄八年一介公

如晉使請逆于晉晉人曰天禍魯國君淹恤在外君亦不

使一介辱在寡君而即安于甥舅左襄二十八年且寡人

出伯父無裏言左傳越石父賢在縲紲中晏子解左驂贖

之載歸入閨久之越石父請絕纆瞿然曰嬰雖不仁免子

責望

於阨何子求絕之速也石父曰吾聞君子詘於不知已而信於知己者方吾在縲紲中彼不知我也夫子既以感悟而贖我是知已知已而無禮固不如在縲紲之中史記傳燕惠王使人讓樂毅且謝之曰將軍過聽以與寡人有隙遂指燕歸趙將軍自為計則可矣而亦何以報先王之所以遇將軍之意乎通鑑呂后使呂澤語張良曰今日君安得高枕而臥良天下之責四面至矣西漢夫戚而不見殊孰能無怨西漢杜張讓詰何進曰但欲託卿門戶耳今乃欲滅我曹種族不亦太甚乎通鑑張良曰聞將軍有意督過之西漢從事中郎馬融主為梁冀作章表吳祐謂融曰李公之罪成於卿手李公若誅卿何面目視天下通鑑李固死於獄中臨命與胡廣趙戒書曰固受國厚恩是以竭其股肱不顧死亡志欲扶持王室比隆

文宣何圖一朝梁氏迷謬公等曲從以吉為凶成事為敗漢家衰微從此始矣公等受主厚祿顛而不扶傾覆大事後之良史豈有所私固身已矣於義得矣夫復何言廣戎得書悲慙皆長嘆流涕而已通鑑上徵田遊岩為太子洗馬在東宮無所規益右衛副率蔣儼以書責之曰向使不殄周粟僕何敢言祿及身矣以何酬塞遊岩竟不能答通鑑唐高盧杞惡太子少師顏真卿欲出之於外真卿謂杞曰先中丞傳首至平原真卿以舌舐面血今相公忍不相容乎杞瞿然起拜然恨之益甚通鑑唐謝安累辟不就簡文帝時為相曰安石既與人同樂必不得不與人同憂召之必至晉書武德中突厥頡利二可汗到原州太宗謂之三不念昔者香火之言乃來相侵唐書

傳記將軍一陣為功業忍見沙場百戰人南唐近事

○集父客多狂朋友書素書一月凡一東虛名但蒙寒溫問

泛愛不救溝壑辱杜詩互入詩問故友不相恤新交寧見矜李白

雖日受千金之賜一歲九遷其官感恩則有之矣將以稱

於天下曰知己則未也韓文飛黃騰踏去不能顧蟾蜍韓

文君今得意厭梁肉豈復念我貧賤時孟東柰何軒冕貴

不與布衣言王維親友若雲霄可望不可攀高適僕存平

仲父要之言無惜詩人金玉之問張九齡不予余之眠信予

衾之穿盧仝見不相學

○本朝念於爾而何負乃於吾而見殃歐公方傾耳以聽願

續書諫苑之篇若有待而言或能著爭臣之論陳坡可伶

狄仁傑猶復負婁公栾城集中原莫道無麟鳳自是皇家

結網踈詩話總龜孰知衰老難為別聲問應須續續來陳

仰羨

○附歌去四

○經豈曰無衣七兮不如子之衣安且吉兮詩無衣

○子虞世基曰吾遊贈繳之下也若夫子王可謂真真矣並

○史公孫卿曰黃帝仙登于天黃帝采首山銅鑄鼎荆山下

鼎既成有龍垂其顛下迎黃帝上騎龍與群臣後宮七十

餘人俱登天於是天子曰嗟乎誠得如黃帝吾視去妻子

如脫屣耳通監疏廣父子乞骸骨去道路觀者皆曰賢哉

二大夫或嘆息為之泣下西漢曹丘生謂季布曰足下何

以得此聲於梁楚之間哉前漢士有被其容接者名為登

龍門東漢李膺傳郭林宗與李膺同舟而濟賓客望之以為神

仙焉東漢郭泰傳袁術見孫策嘆曰使術有子如孫郎死復何

仰羨

恨東漢本傳秦王堅嘆曰周孟威不屈於前丁彥遠潔已

於後吉祖中閉口而死何晉氏之多忠臣也通鑑晉成紀

唐太宗作文孝館收賢才以杜如晦等為孝士方是時在

選中者天下所慕向謂之登瀛州唐書褚亮傳楊貴妃有寵民

間歌之曰生男勿喜女勿悲君今看女作門楣通鑑唐班

景倩入為大理少卿過大梁倪若水餞之行立望其行塵

父之乃返謂官屬曰班生此行何異登仙通鑑唐梁帝曰

生子當如李亞子克用為不亡矣至如吾兒豚犬耳通鑑

五代梁紀互入有子

傳記崔日知恨不居八座為太常卿起樓與尚書省相對

人謂之崔公望省樓國史要唐文宗時進士特盛宰子語曰

卿貢進士不博上州刺史唐盧氏雜談唐宣宗留心貢奉題殿柱

曰鄉貢進士李某北夢瑣言

集陸大夫燕喜西都郭有道人倫東國公卿貴其籍甚縉

紳羨其登仙劉孝標廣縹組雲臺者摩肩趨走丹墀者疊

跡交論絕桓子新論曰關東語曰人聞長安樂則出門西向

而笑知肉美味則對屠門而大嚼論衡互仰羨鶴鶴矯

仰羨黃昏鳥投林羽翻輕並杜工部飛騰無柰故人何杜詩自

視雛鷺望君飛鴻士大夫家孰不榮羨並韓籠禽羨歸

翼韓應物集已將四海聲名去又占三風春景來天集天外鳳

凰誰得髓無人解合續絃膠杜牧知有杏園無路入馬前

惆悵滿枝紅武伯咫尺邈霄漢武伯蒼

本朝長松百尺不自覓企而羨者蓬與蒿東坡見說文星

環北極人間無路仰天庭山谷詩

過慮

仰望 過慮

經季文子三思而後行子聞之曰再斯可矣語

子道在邇而求諸遠事在易而求之難孟子上祀國有人憂

天地崩墜身亡所寄廢飲食者列子無病而自灸莊子墨

子之言昭昭為天下憂不足夫不足非天下之公患也特

墨子之私憂過計也陶以數雜西也憂天下之亂猶憂

河水之少泣而益之也龜三千歲蜉蝣不過三日以蜉蝣

而為龜憂養生之具人必笑之矣淮南子註言訓

史趙孟未盈五十而諄諄焉如八九十者左傳蔡謨性尤

篤慎每事必為過防故時人云蔡公過浮船帶腰舟長晉

書生年不滿百常懷千歲憂選詩終夜九迴唐文粹

獻忠

子交淺而言深忠也淮南子**史**石祁子曰得一夫而失一國與

惡而弃好非謀也左莊富辰曰庸勳親親暱近尊賢德之

大者也即聾從昧與頑用器姦之大者也弃德崇姦禍之

大者也左僖二顧以小人之心左昭楚沈尹

戌曰智者除讒以自安也今子愛讒以自危也左昭二沈

尹戌曰仁者殺人以掩謗猶弗為也今吾子殺人以具諛

而弗圖左僖二吳公子札適晉說叔向謂曰吾子勉之左昭

侈而多良大夫皆富政將在家吾子好直必思自免於難

左襄九子太叔語趙孟曰無始亂無怙富無恃寵無違同無敖

禮無驕能無復怒無謀非德無犯非義左定公子有德於人

願公子忘之史記信孟嘗君問門下客誰能為文收責於

薛者馮諼曰能治裝載契券而行薛曰責畢收以何市而

反君曰視吾家所寡有者諼之薛召諸民當償者悉來今

券以責賜民因燒其券民稱萬歲反齊見君曰臣切計君

宮中積珍寶狗馬實外廐美人充下陳所寡有者義耳切
為君市義矯命以責賜諸民因燒其券戰國鮑叔牙曰君
將治齊即高倓與叔牙足也君且欲霸王非管夷吾不可
史齊陳餘遺章邯書曰白起為秦南征鄢郢北阬馬服攻
城畧地不可勝計而竟賜死蒙恬為秦將北逐戎人開榆
中地數千里竟斬陽周有功亦誅無功亦誅通監蕭何曰
王必欲長王漢中無所事信必欲爭天下非信無可與計
事者西漢劉望之弟廙謂望之曰趙殺鳴犢仲尼回輪今
兄既不能法柳下惠和光同塵於內則宜模范蠡遷化於
外坐而自絕於時殆不可也通監馬援謂黃門郎梁松竇
固曰凡人富貴當使可復賤也如卿等欲不可復賤居高
堅自持勉思鄙言通監黃允以雋才知名郭泰見而謂曰
卿高才絕人足成偉器年過四十名著矣然至於此際當

百廿一

深自匡持不然將失之矣通監芻蕘所見異申螢爝北史

高祖平京師秦王引杜如晦為府兵曹參軍徙陝州總管
府長史時府屬多外遷王患之房元齡曰去者雖多不足
吝如晦王佐才也大王若終守藩無所事如晦必欲經營
四方捨如晦無與立功者王驚曰非公言我幾失之因表
留幕府唐書

傳記馮諼謂孟嘗君曰兔有三窟僅得免死君始一窟未
得高枕而卧也請為君復鑿二窟戰國晏公與晏子登路
寢愀然而歎曰使後嗣代代有此豈不可哉晏子曰厚歛
百姓欲代之延不亦難乎晏子春秋

集此別無多語期君晦盛名杜牧之不用更教詩過好新
君官職是声名白侍郎

本朝温公議改免役為差役蘇公軾嘗見之政事堂條陳

不可温公忿然公曰昔韓魏公刺陝西義勇公為諫官爭之甚力魏公不樂公亦不顧軾昔聞公道其詳豈今日作相不許軾盡言耶温公笑而止蘇子由撰王旦在中書處七魏野獻詩曰聖朝宰相頻頻出君在中書十四秋西祀東封俱禮畢好來相伴赤松遊聖宋撥遺

祝頌

經如山如阜如岡如陵如川之方至以莫不增如日之常如月之升如南山之壽如松柏之茂詩天俾爾昌而大俾爾耆而艾萬有千歲眉壽無有害詩閔俾爾熾而昌俾爾壽而臧同上天保定爾俾爾戩穀罄無不宜受天百祿降爾遐福維日不足何福不除並小雅膺受多福書君陳**請**祝聖人使聖人壽使聖人富使聖人多男子莊子天地篇

史諸福之物莫不畢至前漢專精神近醫藥強食自愛西漢

傳強餐自愛東漢天所開右西漢萬靈薦祉唐書

集王其愛玉躰俱享黃髮期曹植宜享遐紀長保天秩選

詩殃消禍散百福併從此直至耆與貽韓文願公如衛武

百歲尚康強杜牧之

本國冀大錫於壽祺得永承於慈範 弥加葆衛永御吉

康 剛健之德與陽皆亨壽昌之期如日方永 燮精授

之至和納亨嘉之盛福 和倪粹隱 御六氣之和薦百嘉

之祐 欽承德履茂享春祺並臨絳闕雲臺總有名應湏

極貴又長生鼎中龍虎黃金賤松下龜蛇綠骨輕諫坡秘

藏函谷關中子將獻蓬萊閣上仙願得鬢眉如此老却教

龜鶴羨長年詩話祝公齒髮老復老歲不改冰雪顏樂

此中自有不變地歲閱生日如等閑同上

祝頌

慶賀

經以賀慶之禮親異姓周禮士於大夫不承賀下大夫於上大夫承賀記玉藻

史豪傑吏聞沛公有客皆往賀蕭何為主吏進令諸大夫曰不滿千錢坐堂下史記呂僧珍生子宋季雅往賀畧函曰一千閤人少之不為通強之乃進僧珍疑其故親自發乃金錢也梁書互入謂見

傳記新進士每及第鄉曲親戚例以聲樂相慶天寶遺事
集大厦構而相歡選詩姻族相賀壺觴盈門劉禹錫賀聲

盈耳柳宗元序

本朝里閭相賀 洒然相賀孔帖

壽考

經綏我眉壽黃耇無疆詩烈黃髮台背爾雅黃髮兒齒爾雅俾爾壽而臧爾雅俾爾耆而艾爾雅萬有千歲眉壽無有害詩考

維祺以介景福詩考永錫難老詩考令德壽豈詩考九十雖得人

不煖詩考百年日期頤詩考曰卒詩考九十飲食不離寢

膳飲從於遊可也詩考九十者其家不從政詩考九十者天子

欲有問焉則就其室以珍從詩考仁者壽詩考

子長於上古而不為壽莊子無期莊子故莊子無所稱壽莊子長於上古而

不為老莊子廣成子脩身千二百歲形未嘗

衰莊子壽則多辱莊子楚之南有冥靈者以五百歲為春五百

歲為秋上古有大椿者以八千歲為春八千歲為秋莊子

人中有老叟猶木中之有松栢抱朴子彭祖堯臣經虞夏商

壽七百歲荀悅

史蕃祉老壽左昭喬松之壽史記春秋高閼天下之義理

多矣西漢文張蒼老口中無齒食乳女子為乳母年百餘

歲而卒本傳年壽永究鮑宣四人須眉皓白張良羅結為侍

中摠三十六曹事時年一百七精爽不衰魏主以其忠慤親

任之使兼長秋卿監典後宮出入卧内年一百十歸老朝

廷每有大事遣訪焉又十年乃卒通鑑晉紀強白居易宴集

皆高年人慕之繪為九老圖唐書

傳記北極永無窮南山何足擬通典嘗以皓皓是以眉壽大戴

集天錫難老如岳之崇陸士雲羨門比壽王喬爭年養生

論南極老人應壽昌詩後天而老凋三光李太白金骨既不

毀玉顏長自春不知幾甲子猶帶冰霜顏同與大椿齊其
年壽王略賓歲年雖變貌長新劉賓客集既至于年乃靜于懷衣
柔膳甘子侍孫携柳獨有冰雪容纖華奪鱗縞元微童顏
稚齒王无長眉留桂綠丹臉寄蘭紅高連老鶴無衰貌劉
卿眉皓髮唐文順神遠壽暢其天和同上
本朝張蒼事秦柱下而至漢孝景思邈生隋開皇而及唐
永淳東坡文潞公保洛日年七十八同時有司馬旦等三
人皆年七十八嘗為同甲會潞公詩曰四人三百十二歲
况是同生甲午年招得梁園為賦客合成商嶺採芝仙清
談豐豐風盈席素髮颺颺雪滿有此會從來誠未有洛中
應作畫圖傳沈存中

夭折

百五十二

二

經 一曰凶短折善洪短折曰不祿祿謂任為大夫士

子 人生有不見日月不免襁褓者家朝菌不知晦朔蟪蛄

不知春秋 故不終其天年而中道夭班育而不苗吾家

之童烏乎揚

集 草未素而先凋選如何短折背世湮沉武揚長

筭屈於短日遠迹頓於促路齊竟陵惜其齡促名巨天闕紛

綸論華繁中零誰謂不傷曹植蓮初開月梵薜已落頤

榮元微飛霜肅其早零兮意慘慘而不長俄消鑠以委絕

兮還四氣之無常皇甫凋月始生不見其盈瓊枝方秀不

見其茂集降年不求玄首未華選

晚境

經 日昃之離不鼓缶而歌則大耋之嗟易當委事任正

樂若不然而至於耆耄好禮不從流俗記射旄期稱道不亂

上同老者不以筋力為禮禮上世六十不毀七十唯衰麻在身

飲酒食肉處於內六十不與服戎七十不與賓客之事

八十齊喪之事弗及也六十曰耆指使七十曰老而傳

任子孫事八十九曰耄大夫七十而致事若不得謝則

賜之几杖並同五十無車者不越疆而吊人六十宿肉

七十貳膳八十常珍制王六十不親學七十致政惟衰麻為

喪六十非肉不飽七十非帛不煖八十非人不煖六

十杖於鄉七十杖於國八十杖於朝七十不俟朝士散

則賜八十月告存每月八十者一子不從政君子耆老

不徒行疾人耆老不徒食並同血氣既衰戒之在得語

子氣幹將老弃其家事不班白不知道人年五十嗜欲

已衰心已近道子列五十不成喪不備哭踊之節有大器齟然而齒墜

一百廿二

矣謂年彌高而德彌邵子揚

史諺所謂老將知而耄及之左昭余髮如此種種余奚能

為知伯曰余羸老也可重任乎哀十年互宰孔曰伯舅

耄老絳縣人年長矣有與疑年使之年曰臣小人也

知紀年臣生四百有四十五甲子矣師曠曰七十三年矣

士文伯曰二萬六千六百有六旬十三年燭之武曰臣之壯

也猶不如人今老矣無能為也已十三年石碏曰老夫耄矣

無能為也四建老白首萬石君尚無恙本傳祝鮀在前祝鯨

在後前賈生傳師古曰以老人陸賈有五男乃出所使越

橐中裝賣千金分其子子二百金為生產賈常乘安車駟

馬從歌鼓瑟侍者十人寶劍直百金謂其子曰與女約過

女女給人馬酒食極欲十日而更所死家得寶劍車騎侍

從者一歲中以往來過他客率不過再過數擊鮮毋久溷

晚境

女為也傳本大馬齒載孔光傳載戴白之老嚴助晚節末路
漢舍館弄孫不復關政東漢馬皇后紀宗世林年老婆婆安書晉抱子
弄孫日以為樂晉載

傳記 巨帝侍中廼存年老口臭上出雞舌香與含之雞舌

頗小辛螫不敢咀咽嫌有過賜毒藥歸舍辭決就便宜家

人哀泣不知其故僚友求胝其藥出在口香咸唾笑之應劭漢

集 年在桑榆間影響不能追曹子建贈從容養餘日取樂

於桑榆張茂先壯齒不常居文選星星白髮垂同日昃景西

短去日苦長陸機衰容不還稚謝靈運草忌霜而逼秋人惡

老而逼衰同鳩杖扶老謝靈運煖老須燕玉杜詩暮顏靦青鏡

几杖將衰齒 但遇新少年少逢舊親友後生血氣豪

舉動見老醜 白頭搔更短渾欲不勝簪 惟將遲暮洪

真二

多病未有涓埃荅聖朝 白髮千莖雪丹心一寸灰 花

飛有底急老去願春遲可惜歡娛地都非少壯時 萍蓬

風波急桑榆日月侵 自知白髮非春事 人情老易惹

齒踈髮就種奔走力不任柳齊賢玄花著兩眼視物隔縱癱燕

席謝不詣游鞍縣莫騎韓文髮之短者日益白齒之搖者日

益脫聰明不及於前時道德日負於初心 兩目眩昏頭

雪白 頭童齒豁 吾老出味薄互見 老大百無益蘇詩

文老色日上面歡情日去心今既不如昔後當不如今集

漠漠病眼花星星愁鬢雪 白髮逐梳落朱顏辭鏡去所

恠少年心銷磨落何處 蹇步何堪鳴佩玉衰容不稱着

朝衣 夜昏乍似燈將滅朝暗長疑鏡未磨 心灰不及

炉中火鬢雪多於砌下霜 萬病皆可治惟無治老藥

漸恐少年場不容垂白叟 老耳倦聲樂 急景凋年急

於水 夜鏡藏鬚白秋泉漱齒寒 白頭雖強醉不似少

年歡 欲隨年少強遊春自覺風光不屬身歌舞屏風花

幃上幾時曾畫白頭人 老心歡樂少 走趁風光應不

稱閑尋松竹正相當 風光不屬白鬚人 金帶纏腰衫

委地年年衰瘦不勝衣 桑榆坐已暮鍾漏行將曉 即

先朝露歸夜泉 前歲二毛生今年一齒落夜寢與朝食

其間味亦薄 失却少年無覓處 朱顏消不歇白髮生

無處 霜侵殘鬢無多黑酒伴衰顏只暫紅 白頭非

是翠娥鄰 晚歲多衰柳先秋愧大椿 老嗟去日光

陰促 老骨懼秋月 疲牛舐犢心猶切陰鶴鳴鶴

力已衰 身瘦帶頻減髮稀冠自偏廢書緣惜眼多灸為

隨年 煙霞為老伴蒲柳任先凋 筋力上樓知

年老銷蹇步秋氣入衰情 年衰憶故鄉 顧影無如

白髮何 鏡中無復少年時 欲並老容羞白髮每看兒

戲憶青春 優游暮齒 末路多是非 霜氣入病

骨老人身生水 白日將頽青山行暮 春來點檢

閑遊數猶自多於年少人 丘園自得性婚嫁不嬰心

老來光景似奔輪 自是老年遊興少春風何處

不堪行 臨嗟我與公皆老矣拂天松栢見我時 細書妨

夜讀長簾怯昏眠取簟且一息拋書還少年 好去上

天辭將相歸來平地作神仙 老去雍容平地仙 老來

漸減金釵興 衰髮不到耳 老人無睡漏聲長 幅巾

藜杖願為二老之風流甲第高門坐看諸郎之富貴 老

去怕看新曆日退歸擬作舊桃符 人老簪花不自羞花

曉鏡

百六二

五

錢起 圍減帶緩髮稀弁傾 李義山

歐陽 集

孟東 野

孟東 野

孟東 野

孟東 野

孟東 野

孟東 野

應羞上老人頭 白髮不遺窮並同老境難為節陳後莫
 年貪佛替論文 風竹莫年須 杖藜矜矍鑠 老覺山
 林可避人正須 麋鹿與同羣却嫌鳥語猶多事強管陰晴
 報客聞 老眼尚堪看細字白頭寧復要時名並後渥然
 丹者為槁木黧然黑者為星星賦種種春風吹不長星
 星明月照還稀臨川

記纂淵海卷第一百二十二

人事部之二

少壯

經壯有所用禮記童子不裘不帛禮記十年曰幼學二十曰

弱冠三十曰壯有室四十曰強而仕禮記七年曰悼悼有

罪不加刑禮記少之時血氣未定戒之在色及其壯也血氣

方剛戒之在鬥禮記

子壯者以暇日修其孝弟忠信入以事其父兄出以事其

長上 夫人幼而學之壯而欲行之孟子師曠曰少而學者

如日出之光壯而學者如日中之光范

史君之齒未也左較額上有壯髮前春秋鼎盛贊詔

集兒童稚齒選弱冠秀髮辯少年負壯氣選意氣敷

在盛年路行甫昔少年日早充觀國賓謝我年十八九

壯氣橫胸中韓文

精強

經伏生年過九十失其本經口以傳授書序

史衛武公年數九十有五矣猶箴儆於國曰自卿以下至

于師長士苟在朝者無謂我老耄而舍我朝夕以交戒我

誨趙王使使視廉頗尚可用否頗一飯斗米肉十斤使還

報廉將軍雖老尚善飯史本先零反趙充國年七十餘上

問誰可將充國曰亡踰於老臣願至金城圖上方略前本

馬援年六十二請擊五溪蠻曰臣尚能被甲上馬乃據鞍

顧盼以示可用帝笑曰矍鑠哉是翁也東漢祖年已流壯

情方勇上胡廣為三公年已八十而心力克壯達練事躄

少壯

明解朝章雖無蹇直之風屢有補闕之益本傳髮髮厲志白首不衰伏湛呂尚七十氣冠三軍高彪呂岱年已八十射

素精勤躬親王事通監魏公紀羅結為侍中總三十六曹事時年一百七精爽不衰魏主以其忠愨任之使兼長秋卿

監典後宮出入卧内年一百十乃聽歸老又十年乃卒晉傳隆年七十猶手自書籍躬加隱校齊太沈麟年過八十

耳目猶聰明手寫細書三二年滿數十篋齊身老而才壯齒宿而意新唐李百裴度年雖老精明不衰本傳吐谷渾寇

邊李靖以足疾見房元齡曰吾雖老尚堪一行乃決策深入大戰數十殘其國李靖

集老驥伏櫪志在千里烈士暮年壯心不已魏武帝張公一生江海客身長九尺鬚眉蒼微起適遇風雲會扶顛始

知籌策長謝杜丹心老未折上矍鑠據鞍時騁健慙慙把酒尚多情劉賓矍鑠誇身健白酒軍詩敵如相遇臨老猶能

一據鞍襟懷轉瀟灑氣力彌精堅孟同

本朝莫欺九尺鬚眉白解醉佳人錦瑟旁花間着雨老猶能李後

昏耄

經八十九十曰耄耄有罪不加刑焉記曲再赦曰老旄禮刺殘年餘力不能毀山之一毛列子

史老夫耄矣無能為也左隱諺所謂老將知而耄及之元田光曰臣精已消亡矣史荆軻傳吾形已不逮也上丹老

人忘其前語漢鄒喬琳衰老耳聵上或時訪問應對失次通監唐

集年未四十而視茫茫而髮蒼蒼而齒牙動搖韓酸寒漂

清強

陽尉五十幾何毫上年既老矣毫又及之杜弼東桑榆之光未暮蒲柳之質先零強年過猶近衰相來何速白集

喜悅

經一握為笑易卦笑言啞啞震卦且以喜樂載笑載言詩

燕笑語兮人喜則陶陶斯咏咏斯猶猶斯舞記檀樂然後笑夫子莞爾而笑語

子喜而不寐舉欣欣然有喜色孟軻然而笑莊子

史粲然皆笑左昭司馬季主捧腹大笑史大笑冠纓索絕

傳听然而笑雄辯壹关相樂斯亦可矣薛宣傳匡說

詩解人頤傳拂衣而喜揚道爾而咲班固俯而掩口

盧胡而笑揚拊掌歡笑武帝紀謝安得謝元破符堅書

心喜盛過戶不覺疑齒之折晉本喜津津出眉宇間唐李

傳記合坐皆笑謂之烘堂烘堂笑不罰院制人情喜則悅

集鞞然而笑大笑陽氣見於眉宇之間七發

本朝一家喜氣如春醲詩掀髯一笑坡書

憂悶

附 愁

經行邁靡靡中心如噎知我者謂我心憂不知我者謂我

何求詩心之憂矣如匪澣衣靜言思之不能奮飛柏

耿不寐如有隱憂憂心悄悄同心之憂矣不遑假寐

疢疾如疾首同心之憂矣如或結之疢憂心惻惻同逢此

百憂尚寐無覺其生者寐不欲竟之謂我心蘊結冠

心如醒節色憂不滿容記文王

子損言笑訖夫憂患之來攬人心也非直蜂蠆之螫毒

而蚤蝨之慘怛也淮南心有憂者筐牀衽席弗能安也菰

飯芻牛弗能甘也琴瑟鳴竽弗能樂也詞上詮

史虞卿非窮愁亦不能著書以自見於世史本傳五憂適

不食前石頤傳未嘗解顏唐文宗紀厥肝焦慮不皇寧息晉書

患憂思煩亂精神越散楚辭心沸熱其若湯編愁苦以為

膺步徙倚而搖思怛音怛恍而永懷意荒忽而流蕩心

愁悽而增悲上同愁非和而自來憂試排而不却梁劉孝

賦腸一日而九迴司馬遷報書置酒欲飲悲來填膺通恨賦

憂人不能寐耿耿夜何長傷歌絲竹徒滿坐憂人不解顏

陳門誰知一寸心乃有萬斛愁攻許愁城終不破蕩許愁

門終不開詩與何物莫愁能得熟何物燒愁能得燃閉門

欲駭愁愁終不肯去深藏欲避愁愁已知人處使信精散

思越罔若有失塔諫阿白髮三千尺緣愁似个長李何人

錯憶窮愁日愁日愁隨一線長謝憂悶心飛揚窮愁但

有骨上同數盃澆腸雖暫醉皎皎萬慮醒還新韓自然愁

氣損天和安得康健保天性上傷心自比籠中鶴剪盡翅

翎愁到身元微愁腸無可醫杜荀愁色常在目歡容不上

面唐文如何一寸心千愁萬愁入皮日坎壈懷百憂鮑照

本朝醉時萬慮一掃空醒後紛紛如宿草東坡

恐懼

經游雷震君子以恐懼修省易震君子終日乾乾夕惕若

厲无咎卦危熏心也卦若涉淵水書大慄慄危懼若將隕

于深淵詩林惕惟厲中夜以興思免厥愆景命心之憂危若

蹈虎尾涉于春水君戰二兢二如臨深淵如履薄冰詩小

如集于木如臨于谷小謂天蓋高不敢不跼謂地蓋

厚不敢不踏詩

子危行側視振動悼慄處勢不便未足以逞其能也莊子

史道路以目史周色如死灰滑籍李斯曰斯本上蔡布衣

閭巷之黔首上不知其驚下遂擢至此當今人臣之位無

居臣上者可謂富貴極矣物極則衰吾未知所稅駕也本傳

破膽寒心前谷懼甚師重足一迹不寒而栗義縱杜門齟

舌灌夫重足而立側目而視漢朝廷多事督責大臣自

公孫弘後丞相比坐事死石慶雖以謹得終然數被譴公

孫賀引拜為丞相不受印綬頓首涕泣不肯起上乃起賀

不得已拜出曰我從是殆矣通驚懼不知所言汗出

洽背徒唯唯而已漢人有懼心精銳銷矣漢兢兢如

履冰慄慄如不滿日紀楊國忠謂客曰吾本寒家一旦

緣椒房至此未知稅駕之所紀如居風濤洶洶靡定同朝

士每朝輒與家人訣曰未知復相見否紀崇高之位憂

重責深後舉頭畏觸搖足恐墮內獨怖急乍冰乍火壺

窮鳥符堅同符融伐晉堅登城望王師部陣齊整將士精

銳又北望八公山草木皆類人形顧謂融曰此亦勅敵也

憮然有懼色晉符

傳記向鵬衢而自愧瞻鴟路以驚魂帖

集若負芒刺於背選五內震駭選累卵疊棊觀形懷

恒魏眾毀所歸不寒而慄報喪精亡魂失歸忘趨

東京弱肉飛時攢箭險蹇驢行處薄冰危施危素卵之

累殼甚玄燕之巢幕西危冬葉之待霜上身寄虎吻

危同朝露桓心折骨寒江瑟縮不安文駭汗如雨

上驚鳥之高翔方孽狐喘而弗食柳魂驚怯怒蛙柳

弓未息新驚鳥集心魂不寧手足無措慄然如履春冰

凜然若馭朽索相目而变色上同吐舌不敢言吞寬衝

心相注

忍

劉賓客

進退惟谷冰炭在懷

重競累媿

孟同

隼猜鴻蓄

縮虎橫犬迤邐

元微之

落羽更分飛誰能不驚骨

孟浩然

周章

跼踖胡顏自安

劉賓客

本朝

瑟縮愈不安

坡

鍼氈無穩坐

劍米有危炊

孟同

記纂淵海卷第一百二十三

